

# AWE Mainta

Januari 24, 2018

www.awemainta.com

www.facebook.com/awemainta

noticia@awemainta.com

583-1400

**UN 32.7% DI E BIENES Y  
SERVICIONAN DI E  
CANASTA MINIMO DI  
452 PRODUCTO A  
CONOCE UN  
AUMENTO DI PRIJS**



PG.2

**ENTRADA MINIMO PA  
UN PAREHA CU DOS  
YIU TA 4338 FLORIN**



PG.5

### Experience the difference

- Alarm Installation
- Camera Installation
- Online viewing
- Monitoring Service
- Guard Service
- Patrol Service



*Your protection  
partner since 1996*

**We don't just say it...  
We Guarantee it!**



**INVEST  
SECURE N.V.**

Phone: (297) 582-7252  
E-mail: [insec@setarnet.aw](mailto:insec@setarnet.aw)  
f: [@investsecurearuba](https://www.facebook.com/investsecurearuba)



# ARUBA TA PREPARA PA CELEBRA DIA DI BETICO DEN GRANDI



**Payroll Pro**  
Real Software, Real Support

**Always accurate and  
easy customizable**

**Quick support from our  
locally based specialists**

- Complete integration of HRM and Payroll
- The #1 payroll software in the Dutch Caribbean
- For all commercial and governmental organizations

**VCC**  
International NV



Tel.: 583-7072 | [info@vcc-int.com](mailto:info@vcc-int.com) | [www.vcc-int.com](http://www.vcc-int.com)

Consumo (CPI) pa luna di December 2017

## Un 32.7% di e bienes y servicionan di e canasta minimo di 452 producto a conoce un aumento di prijs

E Índice di Prijs di Consumidor (CPI) pa luna di December 2017 ta 117.62, loke ta representa un subida di 0.8% compara cu e índice di November 2017 (116.70).

E cambio di e CPI pa e ultimo diesdos (12) lunanan (December 2016 te cu December 2017) ta -0.3%, e mesun cambio compara cu e periodo corespondiente di aña pasa (-0.3%). E promedio anual di e tasa di inflacion pa e periodo di December 2016 te cu December 2017 ta -0.5%, un subida di 0.4 ppt compara cu e -0.9% registra den e periodo di December 2015 te cu December 2016.

Durante e luna aki, cinco (5) di e diesdos (12) sectornan a registra subida di prijs. E subidanan cu tawata tin e mayor efecto riba e CPI a wordo registra pa e sectornan di “Recreacion y cultura” (5.2%) y “Transporte” (2.2%), causando un efecto di 0.41 y 0.39 ppt, respectivamente. E subidanan den e restante sectornan a contribui cu un efecto di 0.08 ppt riba e CPI di December 2017.

E subidanan aki a wordo contraresta parcialmente door di principalmente caidan den e índice di e sectornan di ‘Cuminda y bebida no-alcoholico’ (-0.3%) y ‘Paña y sapato’ (-0.7%), cu a contribui cada un cu un efecto di -0.04 ppt riba e CPI di December 2017. E caidan den e sectornan restante a contribui cu un efecto di -0.03 ppt riba e CPI di December 2017.

E subida den e sector di “Recreacion y cultura” a wordo causa principal-



mente door di subidanan den e categorianan “Vacacion” (62.3%) y “Ekipo audiovisual, fotografico y pa procesamiento di informacion” (11.3%), causando un efecto di 0.29 y 0.10 ppt. E subida den e sector di “Transporte” a wordo causa principalmente door di subidanan di 17.3% y 1.7% den e categorianan “Servicio di transporte” y “Gasto relaciona cu uzo di vehiculo di transporte personal”, causando un efecto di 0.24 y 0.15 ppt, respectivamente.

E caida den e sector di ‘Cuminda y bebida no-alcoholico’ a wordo causa door di un caida den e categoria ‘Cuminda’ (-0.4%), causando un efecto di -0.05 ppt. E caida den e sector di ‘Paña y sapato’ a wordo causa door di un caida di 1.0% den e categoria ‘Paña’, causando un efecto di -0.04 ppt.

E canasta di consumo di e CPI ta consisti di 452 bienes y servicionan. Compara cu November 2017, 32.7% di e bienes y servicionan aki a con-

oce un aumento di prijs causando un efecto di 1.09 ppt, mientras cu 29.6% ta muestra un caida di prijs, cu a contribui cu efecto di -0.31 ppt y pa e restante 37.6% no tawata tin cambio den prijs. Prijsnan di bienes a subi cu 0.3% na December 2017 y a causa un efecto di 0.21 ppt riba e CPI di December 2017. Prijsnan di servicionan a conoce un subida di 1.5% y a causa un efecto di 0.57 ppt.

E CPIC (core inflation) - CPI excluyendo e efecto di energia y cuminda - a registra na December 2017 un subida di 0.3%, un caida di 0.4 ppt, compara cu e periodo corespondiente di aña pasa (0.7%). E índice di energia - cu ta consisti di e productonan: electricidad, awa, gasolin y diesel a registra un caida di 4.2%, cu ta 2.8 ppt mas halto compara cu e periodo corespondiente di aña pasa (-7.0%). E índice di cuminda a registra un subida di 0.7%, cu ta 0.8 ppt mas halto compara cu e periodo corespondiente di aña pasa (-0.1%).

Segun fuentenan,

# Malcontento bou di miembronan di Gobierno

AWEMAINTA ta hayando informacion for di diferente skina cu tin un malcontento bou di miembronan di Gobierno. Esaki ta bini principalmente for di e hendenan di e partido mayoritario cu ta MEP.

Ya caba por mira rond riba Facebook y scucha for di e propio coordinadonan cu no falta mucho cu e candidatonan di un di e partidonan chikito ta practicamente ubica tur rond caba. Por corda cu bou di e Gobernacion anterior a retira e sra. OB for di Serlimar pa motibonan conoci.

Asina cu e Gobierno a sinta, e señora a wordo poni bek den su funcion y, aparentemente, cu forsa retroactivo di algun luna. Den e mesun departamento aki ta buscando un director nobo y segun e mesun fuentenan, un candidato di e partido chikito aki lo bay ocupa e puesto.

SERLIMAR mes ta den noticia pa algun tempo caba ora cu di un forma sorprendente dos persona di e departamento di PR & Marketing, kendenan ta simpatisantenan di e partido mayoritario den e actual Gobierno, a wordo practicamente baha di posicion mientras cu ya caba a cuminsa solicita candidatonan pa e puestonan ey cu, segun e fuentenan, ya tin persona pa ocupa nan caba. Ta parce cu cada departamento ta bay haya un coordinador como Relacionista Publico, mientras cu di baina por hinca



algun frase drechi den otro Personanan ayega na e partido geel ta disgusta e grupo blanco pa e forma con ta mete den cartera di Ministernan y no ta permiti nan haci e trabou, manera a priminti den campaña. Ta sinti cu e vice Prome Minister ta metiendo den Ministerio di Turismo, den Transporte, y hasta den Ministerionan di e Prome Minister. Mas tristo cu e hendenan di MEP ta sinti cu nan lider a laga nan na caya.


Di otro banda ta parce cu e Gobierno aki ta un “one man show” enbes di un “woman show”. E Prome Minister di Aruba te ainda no a logra sobresali, ya cu e Vice Prome Minister ta haci lo maximo pa luci den tur e otro Ministerionan cu no ta cay bou di dje. Esaki ta haci cu practicamente no ta mira cu e Gobierno ta Gobernando.

E ta manera un informe cu ta circulando rond cu ta bisa:

- 1: Min Andin Bikker a lanta in comision pa e situashon na Coney Island.
- 2: Min Dangui Oduber a lanta un comision pa studiantenan cu ta biba afo .
- 3: Min Rudy Lampe a lanta un comision pa aircro pa scolnan.
- 4: PMI Otmar Oduber a lanta un comision pa e problema riba beachnan.
- 5: Min Xiomara Ruiz a lanta un comision pa e situashon cu Venezuela
- 6: Min Guilfred Besaril a lanta un comision pa un Aruba huís nobo.
7. Min Cris Romero su comision pa e ahusta tarifa pa Aruparking
8. Min Glenbert Croes su comision pa cambia e nomber di ontheffing DPL
8. PM2 Evelyn Wever Croes a lanta un comision pa traha un pelicula di Betico.

Tur e hechonan aki ta pone cu no ta mira cu Aruba tin un Gobierno nobo.

# Polis no a haya atracado cu a pone arma riba mucha di 13 aña



DIALUNA anochi den careda di 9:30 polis a bay Caya Jose Geerman pa un homber cu mask bisti y arma di candela den su man. Patruya cu a yega na e cas a wordo informa cu e homber lo a drenta e cas via un bentana, parti patras di e cas.

Paden di e cas e ta topa cu dos mucha, un di 11 aña y un di 13, ariba e esun di 13 e ta punta e arma. E homber tawata tin un mask bisti.

E ta manda ambos den un camber. Di eyan no ta mucha duidelijk kiko tur ela haci den e cas.

Despues di esey nan a bati alarma. Lo ta trata di un persona color cla y a papia bon papiamento.


Atraco team y slachtofferhulp a presenta na e cas, tambe nos por a wak famia y conoci-nan yega pa wak kiko a pasa.

Dialuna anochi algun rato despues di e atraco na Caya Jose Geerman, polis ta bay un adres tegender di Cura Cabay Supermarket.

Na yegada polisnan a papia cu e dama y ela contanan cu un homber cu un petchi bisti y cu un cuchiu den man a drenta su cas.

Ora ela duna discipcion di e homber, a bin resulta cu e tin similaridadnan cu esun cu a drenta e cas na Caya Jose Geerman, pa comete e atraco. Esta e paña cu e tawata tin bisti.

Patruya a busca rond den e area, pero no a bin topa cu e homber cu e dama a describi.



## ALERTA PA CAMBIO DI RUTA KIBAIMA - POS CHIKITO



Atencion pueblo di Aruba y tur automobilista cu ta haci uzo di e caminda principal di Oranjestad pa San Nicolas y vice versa cu diabierna dia 26 januari 2018, desde 6'or di mainta pa 6'or di atardi lo bay cera e caminda entre rotonde Kibaima pa rotonde Pos Chikito. Lo cera e caminda menciona pa tur trafico den ambos direccion.



# Entrada minimo pa un pareha cu dos yiu ta 4338 florin

E bestaansminimum ta e nivel minimo di entrada cual ta wordo percibi cu ta necesario pa logra mantene un nivel di bida adecuado den un cierto pais.

Usualmente e bestaansminimum ta wordo determina door di calcula e gasto di tur e recursonan esencial cu un adulto ta consumi den un luna of aña.

Generalmente esaki ta wordo yama un indice basico di necesidad, y e ta varia segun e prijs di cuminda, paña, vivienda, transporte y otro articulonan den e 'canasta'.

Escalanan di ekivalencia ta wordo uza pa ahusta e nivel minimo di entrada percibi pa hogarnan di diferente tamaño y composicion.

E escala ta asigna un peso di 1.0 pa e prome adulto y 0.5 pa cada adulto adicional den e hogar (edad 15+) y un peso di 0.3 pa cada mu-

cha (edad 0-14 aña). E bestaansminimum ta basa riba cifranan di e rapport 'Bestaansminimum 2010' cu CBS a publica na December 2010 y ta wordo actualisa mensualmente pa cu inflacion uzando e CPI mensual. E unidad di referencia den e rapport aki ta di un

hogar cu ta consisti di dos (2) adulto y dos (2) mucha (edad 0-14 aña).

Na December 2017 e bestaansminimum mensual pa un hogar cu ta consisti di dos (2) adulto y dos (2) mucha (edad 0-14 aña) (Afl. 4.338) ta muestra un caida di

Afl. 47 compara cu December 2016 (Afl. 4.385) y a wordo causa principalmente door di un caida di Afl. 47 den e sector di 'Vivienda'.

Na December 2017 e bestaansminimum mensual pa un hogar cu ta consisti di un solo adulto ta Afl.

2.066, cual ta representa un deficit di entrada di Afl 355, un caida di Afl. 55 compara cu e deficit observa un aña pasa (Afl. 410).

E deficit aki ta esun di mas abou registra den un periodo di cinco (5) aña pa luna di December.

**Gana f 50.000 cu ENNIA!**  
Cada seguro tin un chens.

Cera un seguro of prolonga bo seguro existente awor pa bo tambe participa den e campaña cu chens di gana f 50.000.

Sorteo ta tuma luga 2 di Februari 2018. Bishita [ennia.com](http://ennia.com) pa mas informacion.

Tur cliente por participa cu exepcion di clientenan sigura via polisanan colectivo.

**fun miles**  
plaser na bo alkansel

**ennia**  
Sinti bo sigur!

Bishita [ennia.com](http://ennia.com), bo broker of oficina di ENNIA.

## Cambio di prijs di Cuminda na December 2017 casi no tin cambio

E indice di “Cuminda & servicio di catering” a registra un caida di 0.2% na December 2017, despues di un caida di 0.1% na November 2017.

E indice di “Cuminda na cas” (-0.3%) a registra un caida, unda shete (7) di e diesun (11) indicenan di e

gruponan di cuminda na cas a baha na December 2017. E indice di “Berdura” a conoce e caida di mas grandi (-1.4%) na December 2017. E indicenan di “Fruta” (-1.3%), “Batata, yuca y batata dushi” (-1.1%) y “Pisca y otro cuminda di lama” (-0.8%) tambe a registra caid-

anan. E indice di “Bebida no-alcoholico” (0.5%) a registra e subida di mas grandi.

Ademas subidanan di 0.2% y 0.1% a wordo registra pa e indicenan di “Lechi, keshi y webo” y “Sucu, jam y otro tipo di cos dushi”.

Den e ultimo diesdos (12) lunanan e indice di “Cuminda & servicio di catering” a subi cu 0.4%. E indice di “Cuminda na

cas” a conoce un caida di 0.2%. E indice di “Fruta” a baha cu 9.9%, e caida di mas grandi entre e gruponan di cuminda na cas, mientras cu e indice di “Berdura” a conoce e subida di mas grandi cu 6.0%. E indice di “Cuminda pafo di cas” a registra un subida di 0.2% na December 2017, despues di un subida di 0.4% na November 2017 y registrando un subida di 2.3% den e ultimo diesdos

12 lunanan.

Na December 2017, “Cuminda na cas” y “Cuminda pafo di cas” como grupo, tawata tin un caida di prijs di 0.2% compara cu November 2017 y hunto tawata tin un influencia di -0.03 ppt riba e CPI, mientras cu e restante bienes y servicio hunto a experencia un subida di prijs di 1.0% y tawata tin un efecto di 0.82 ppt riba e CPI.

## Cambio prijs di combustibel casi no tabatin efecto riba prijsnan

**PRIJS** di utilidad (electricidad y awa), gasolin y diesel ta wordo determina primordialmente door di e prijs internacional di petroleo. Na December 2017 e prijs promedio pa bari di petroleo (US\$ 57.93) a conoce un subida di US\$ 1.70 (3.0%) compara cu November 2017 (US\$ 56.23).

Brandstof clausele pa un uzo di electricidad te cu 500 kWh no a cambia na December 2017, el a keda Afl. 16.02 cent pa kWh. Brandstof clausele pa un uzo di cada kWh entre 501 - 1000 kWh no a cambia na December 2017, el a keda Afl. 21.72 cent pa kWh. Prijs di electricidad y di awa no a cambia compara cu November 2017. E prijs promedio di electricidad pa vivienda a keda

Afl. 265.65, mientras cu e prijs promedio di awa pa vivienda a keda Afl. 137.05.

Prijs di gasolin a subi na December 2017 cu Afl. 5.30 cent (2.9%) y a causa un efecto di 0.15 ppt riba e CPI. Prijs di diesel a registra un subida di Afl. 4.80 cent (3.1%) na December 2017 y a causa un efecto di 0.01 ppt riba e CPI.

December 2017, utilidad, gasolin y diesel como grupo, tawata tin un subida di prijs di 0.9% compara cu November 2017 y hunto a influencia e CPI cu 0.16 ppt, mientras cu e restante 448 bienes y servicio hunto a experencia un subida di prijs di 0.8% y tawata tin un efecto di 0.62 ppt riba e CPI.

## Parlamentario Arthur Dowers **Gobierno no a fia placa pa construccion di Green Corridor**

**MANERA** tabata di spera y manera ta su custumber y sistema, Minister Oduber a activa cu grupo di sostenedonan, pa ataca y critica miembronan di fraccion di AVP, despues cu a expone e gañamento di e Minister aki na pueblo. Esaki Parlamentario Arthur Dowers ta muestra relaciona cu e ultimo desaroyonan cu a surgi despues cu Minister Oduber a bin Parlamento cu su weganan politico di custumber, pa asina e logra su meta cu el a fiha pa su persona y no pa sirbi e interes general. Dowers a sigui muestra cu no ta prome biaha cu esaki ta sosode ya cu den ultimo aña y mei caba Minister Oduber a uza mesun sistema aki ora cu el a dicide di bandona fila di AVP y a bay den atake frontal contra su ex coleganan di partido, y tambe a

haci mesun cos contra tur hende cu tabata opone su pensamiento politico of tin critica riba loke e ta haci of pensa. E forma di procede aki ta masha conoci cerca Minister Oduber, caminda Parlamentario Dowers a muestra cu den su tempo den partido AVP tambe el a haci mesun cos y ta pidi su hendenan pa bay radio y bay riba medionan di comunicacion social, ta pidi pa nan cambianan stem y haci como si fuera cu su persona no tin nada di haber cu e atakenan baho aki. “Esaki ta su style, ta su forma di pensa y ta su forma di procede y loke nos a mira awor cu despues cu nos a logra na desenmascara su maniobra pa haya mas fondo pa su ministerio, el a hasta manda miembronan di e fraccionnan den Parlamento cu ta sostene Gobierno, pa

nan ataca tanto colega Parlamentario Benny Sevinger y mi persona,” Parlamentario Dowers a trece dilanti. El a sigui muestra cu ta na su luga pa coregi algun punto despues di a mira cu e Minister aki, despues cu el a haya palo den Parlamento y a mara su man cu su propio mocion, ora cu el a purba tira santo den wowo di pueblo y un di e mentiranan aki ta cu esunnan cu a duna placa pa contruccion di Green Corridor, lo a duna gobierno te cu dia 14 di februari pa yega na

un solucion. Arthur Dowers a muestra cu esaki absolutamente ta algo ridiculo ya cu gobierno no tin nada di haber cu esunnan cu a fia placa, ya cu gobierno no a fia placa cerca ningun hende y ningun hende por pone gobierno bou presion pa yega na cualkier solucion. Esunnan cu a fia placa ta e compania encarga cu construccion di e proyecto y kende ta responsabel pa e proyecto aki te na e momentonan aki. E miembro di Parlamento pa fraccion di AVP a indica cu tin suficiente

documento, caminda entre otro ta papia di Deutsche Bank y otro ‘lenders’ involvi den financiamiento di e proyecto pero tur esakinan tin acuerdo cu e compania cu ta ehecutando e proyecto aki y no cu gobierno di Aruba. Sinembargo Minister Oduber kier pinta un escenario cu e mes ta bon na altura di dje cu no ta asina ya cu su persona mes como Minister di Gabinete Mike Eman II a sostene y aproba e proyecto di PPP aki Parlamentario Dowers a muestra .

Banco di Seguro Social Aruba



### CERAMENTO DI SVb SU OFICINANAN

En conexion cu e celebracion di Dia di Betico tur oficina di SVb ta cera pa publico riba:

- **Diahuebs 25 januari 2018**
- **Diabierna 26 januari 2018**

Durante e dianan aki por notifica AO (meld ziek) riba nos website [www.svbaruba.org](http://www.svbaruba.org). Notificacion di AO mediante 527-2782 riba e dianan aki ta posibel solamente entre 7'or AM te cu 11'or AM.

Dialuna 29 januari tur oficina di SVb ta habri na e orario normal atrobe.

E ceramento no ta afecta e sistemanan riba e website di SVb.

Nos ta ofrece nos disculpa pa e inconveniencia aki.

SVb - Seguridad pa Aruba su comunidad

**LOTTO 5**

**Afl. 1.575.000,-**

**Selecta:**  
Selecciona cinco (5) number entre 1 y 35  
03 12 15 24 33

**Multi Draw:**  
Selecta bo numbernan pa e sorteo desea y siguiente sorteonan. Pa asina bo keda den wegá!  
03 12 15 24 33 X2 03 12 15 24 33 X3  
03 12 15 24 33 X4 03 12 15 24 33 X5

**Combo:** Puntra bo rebendado pa opcionan di combo.

**Afl. 4**

[www.lottoaruba.com](http://www.lottoaruba.com)

## Servicio pa Comunidad



### Emergencia

Brandweer .....	911
Polis .....	100
Polis Oranjestad .....	102
Polis San Nicolas .....	104
Polis Santa Cruz .....	105
Polis Shaba .....	107
Polis Tipline .....	11141

Ambulance San Nicolas .....	584-5050
Ambulance Sasaki .....	582-5573
Ambulance Wayaca .....	582-1234

Hospital .....	527-4000
Centro Medico San Nicolas .....	524-8833
SVB (AO-Ziekmelding) .....	527-2782

### Botica na Warda

#### Pabou di Brug:

Kibrahacha

#### Pariba di Brug:

San Nicolas

### Dokter na Warda

#### Pabou di Brug:

#### Pariba di Brug:

### Servicionan

ELMAR Storingdienst .....	523-7147
SETAR Storingdienst .....	117
Digicel .....	145
WEB Storingdienst .....	525-4600
Reina Beatrix Int'l Airport .....	524-2424
Serlimar .....	584-5080
Arugas .....	585-1198
Guarda Costa .....	913

### Funeraria

AD Patres .....	584-2299
Aurora .....	588-6699
The Olive Tree .....	582-0000

### Fundacion

Rode Kruis Aruba .....	582-2219
FADA .....	583-2999
Fundacion Respeta Mi .....	582-4433
Fundacion Guia Mi .....	587-1677
Muhe den Dificultad .....	583-5400
Telefon pa Hubentud .....	131
Centro Kibrahacha .....	588-3131
Stichting Bloedbank .....	587-0002
Mary Joan Foundation .....	588-9999
Koningin Wilhemina Fonds .....	582-0412
Fundacion Pa Nos Muchanan .....	583-4247

### Cas Editorial



#### The Media Group

Margrietstraat #3  
Oranjestad, Aruba

Tel: 583-1400 Fax: 583-1444

#### Orario di Oficina

Dialuna - Diabierna  
8am - 5pm

#### Cuenta di Banco

CMB #22982600

### E-mail

Redaccion: noticia@awemainta.com  
Aviso: aviso@awemainta.com

Subscribi na: noticia@awemainta.com

### Director

Victor "Toko" Winklaar  
Victor R. Winklaar

# Ultimo dia pa inscribi pa Prueba di Naturalisacion

**SECCION** Examenbureau di Departamento di Enseñansa Aruba ta recorda cu e prome ronda di inscripcion pa e Prueba di Naturalisacion (Naturalisatietoets) pa aña 2018 ta cera dia 24 di januari.

Pa aplica pa e Prueba di Naturalisacion mester haci uzo di e formulario di aplicacion cu ta obtenibel pa download for di riba e website Enseñansa Aruba [[www.ea.aw](http://www.ea.aw)]. Aki tambe por haya e Foyeto di Informacion.

Prueba di Naturalisacion desde 1 di januari 2011 ta consisti di 1 componente di conocimiento di nos comunidad y estructura estatal, 4 componente di idioma Papiamento y 4 componente di idioma Hulandes.

E Prueba di Naturalisacion ta tuma luga dos biaha pa aña. Inscripcion pa e di dos ronda lo tuma luga na luna di augustus 2018.

Departamento di Enseñansa Aruba pa medio di su Examenbureau ta encarga especificamente cu e prueba y no tin ningun participacion den henter e proceso di naturalisacion.



Pa informacion relaciona cu e Prueba di Naturalisacion por tuma contacto cu Examenbureau, mientras cu pa e proceso di naturalisacion mester tuma contacto cu Gabinete di Gobernador di Aruba.

Pa mas informacion por acudi na website [[www.ea.aw](http://www.ea.aw)] y buska Naturalisatietoets of Prueba di Naturalisacion den e alfabet menu. Tambe por sigui e desaroyonan a traves di facebook page @educationaruba.

**LENNOX VRF**

**LENNOX**

Has anyone ever told you that your air conditioner is beautiful?

inside Lennox® innovation  
**DUCTLESS MINI-SPLIT SYSTEMS**

**INVERTER TECHNOLOGY**

**LENNOX**

\* ENERGY EFFICIENCY - UP TO 26 SEER  
\* SOUND RATING - AS LOW AS 59 DB  
\* SOLAR POWER CONNECTION  
\* ENERGY SAVINGS GUARANTEED  
\* 24/7 AIR CONDITIONING FOR LESS THEN AFL. 250 A MONTH

REDUCE HEATING AND COOLING BILLS BY UP TO 1/2

QUALITY PRODUCTS- QUALITY ADVICES - QUALITY SERVICES

**FERTEC NV**  
AIRCONDITIONING-REFRIGERATION - PARTS

CAYA ERNESTO PETRONIA 45  
5882860 - 5633766  
FERTECNV\_MFER@OUTLOOK.COM



Despues di un apelacion di  
Minister Glenbert Croes  
**Renaissance Aruba  
contento di por contribui  
cu e proyecto na  
bienestar di Casa Cuna**



**DIALUNA** ultimo, Gerente General di Renaissance Aruba Resort & Casino, sr. Paul Gielen a haci entrega di un wasmashin y su dryer na Fundacion Casa Cuna Progreso. Di acuerdo cu sr. Gielen, “Ta importante pa nos duna un man na unda cu esaki ta necesario y te con leu esaki ta posibel. Casa Cuna pa hopi aña a bin ta haci un bon trabou den cuidado di nos muchanan. Renaissance Aruba di e manera aki ta contribui cu e bunita proyecto aki.”

E iniciativa pa duna un man na Fundacion Casa Cuna Progreso

a bin for di departamento di sr. Glenbert Croes. Tanto Renaissance Aruba y Wind Creek Hospitality a haya esaki un tremendo idea y a pone accion tras di palabra dialuna ultimo na momento cu a haci entrega di un wasmashin y un dryer na e cas pa mucha. Fundacion Casa Cuna Progreso ta fundacion na aña 1957. Manera nos tur sa, nan ta un inter-naat cu ta brinda ayudo na muchanan entre 0 y 8 aña. E meta principal ta pa cuida y guia e muchanan cu pa un of otro motibo no por biba na cas, door di abuso fisico, sexual of

negligencia. E fundacion ta duna sosten na e muchanan y tambe ta yuda nan mayornan den e parti educacional.

Presente tambe tabata na e evento aki Minister Glenbert Croes, kende a splica cu durante un bishita a constata cu e institucion aki tin varios necesidad y a intermedia pa un di e prome donacionnan yega, cual tabata dos wasmachine. E mandatario a gradici

tur e empleadonan di Casa Cuna p’e servicio cu nan ta brinda cu hopi amor den e sector aki. Recientemente, el a bisa, Gobierno a percura pa entrega Casa Cuna un par di Fondo cu Gobierno tabata debe e institucion aki pa nan por haci inversion den mehoracion di e facilidad pa brinda e miho guia posibel na e muchanan cu ta yegaynan. El a bisa pa e mucha of famianan c uta den dificultad, mester tin tur e servi-

cio pa tin un di dos cas y mayornan. El a keda impresiona di e trabou cu ta wordo haci y ta hopi orguyoso cu aki e mucha ta central.

E mandatario a pasa un rato tambe celebrando cumpleaños di directora di e instituto aki.

Riba fotonan adhunto momento cu sr. Gielen Gerente General di Renaissance Aruba Resort & Casino a haci entrega di e wasmashin y dryer na Fundacion Casa Cuna Progreso.



**THURSDAY, JANUARY 25th**

Live entertainment by Grupo di Betico 7pm-9pm

**R**  
RENAISSANCE®  
MARKETPLACE

## Celebracion Dia di Betico hunto cu Mercado Santa Rosa



HOPI ta esnan cu ta wardando riba e afamado Mercado Santa Rosa. Esaki ta tuma luga diahuebs 25 di Januari conhuntamente cu celebracion di Dia di Betico na Santa Rosa.

Cuminsando for di 8'or di mainta te cu 1'or di atardi caminda cu bo ta bay haya hopi di nos productonan local cu diferente productonan fresco. Lo bai tin entre otro Productonan natural pa cutis y cabey traha di nos propio Aloe.

Remedinan di tera cu sigur hopi ta esnan cu ta pidi pa esaki manera e diferente stropinan Robarbo, Calbas, e asina por sigui menciona. Productonan traha localmente manera Jam, Pica di Papaya y productonan di Ginger y tambe bebida di Ginger pa dunabo mas energia.

Productonan local cu ta bin ofrece Carni Fresco aki den nos mercado manera Cabrito y Carne. Lo bai tin matanan di fruta y matanan ornamental obtenibel den nos mercado pa asina bo por hiba cas.

Nos cunuco Chabelito semper tey pa e muchanan por pasa un rato agradabel pa sina admira nos betianan cu nos tin. Cuminda y otro platonan crioyo no ta cos di papia mes. Nos lo tin diferente platonan crioyo pa asina bo saboria henter dia sin lubida riba e diferente sopinan.

Riba e dia aki lo bai tin oportunidad pa compra Hooi durante di nos mercado. Bo ta cordialmente invita pa nos Mercado Santa Rosa diahuebs 25 di Januari Dia di Betico cuminsando for di 8'or di mainta y lo bay te cu 1'or di atardi aki mes na Santa Rosa.

Yega trempa pabo por bebe awa limpi y bin celebra hunto cu nos den un ambiente familiar aki mes na Santa Rosa.

Banco di Seguro Social Aruba SVb  
ta desea henter pueblo di Aruba



**Feliz Dia di Betico**

*Commemora  
e fecha special aki  
25 di Januari  
cu Respet y Orguyo!*

SVb - Seguridad pa Aruba su comunidad

# Minister Besaril a bishita Conferencia Panama Invest na Amsterdam

**MINISTER** Plenipotenciario Guillfred Besaril riba invitacion di Presidente di Panama Juan Carlos Varela a asisti na e Conferencia Panama Invest and Panama Fest den Okura hotel na Amsterdam. E mandatario a wordo acompaña pa Roy Hart di e departamento di “Econometische Acquisitie” di Cas di Aruba.

E delegacion di Panama a consisti tambe di vice presidente di Panama Isabel Saint Malo, minister di Economia y Finanzas di Panama Dulcidio de la Guardia y embahador di Panama na Hulanda Willys del Valle.

Embahador di Reina na Panama Dirk Janssen tabata un di e oradornan y a tene un discurso riba e posibilidadnan pa inversionistanan Hulandes na e pais Centro Americano. Head of Global Business Services di Philips Craig Gruchacs a elabora riba e ventananan cu Panama

ta brinda na compaña manera Philips pa tin operacionnan for di Panama.

Minister De la Guardia a tene un presentacion riba e situacion di Panama; e aspecto macro economico di e pais cu enfasis riba e inversionnan cu Panama e realisa y loke tin proyecta riba diferente tereno manera infraestructura, sector financiero y turismo.

Presidente di Panama Juan Carlos Varela a clausura e programa oficial como keynote speaker unda e presidente a bai mas profundo riba e posicion

di Panama den e region Centro Americano y e maneho di Panama pa crea un clima financiero y economico beneficioso y stabiel pa inversionistanan, particularmente di empresanan Hulandes.

Pa Minister Besaril como representante di Aruba un evento asina ta brinda e oportunidad unico pa topa y papia cu hopi persona entre otro for di e mundo di comercio y asina amplia su network di contactonan cu te beneficioso y util pa Aruba.



**SETAR ta informa cu en conexion cu Dia di Betico tur Teleshop, Setar Store y Repair Center ta sera:**

**diahuebs dia 25 di januari 2018**

**E kiosk na Airport y e Contact Center lo keda duna servicio orario normal.**



Parlamentario Endy Croes di MEP:

## Ta pidi pueblo pa hisa bandera y sali celebra dia di Betico den grandi dia 25 di januari

**DIAHUEBS** awor nos ta celebra dia di Betico. Betico Croes, un homber humilde di Sta Cruz kende a lanta su propio partido Movimiento Electoral di Pueblo MEP usando e vehiculo aki pa asina lucha y cristalisa Aruba su Status Aparte tan anhela. Betico a percura pa Aruba haya su Himno y Bandera. Betico a percura pa unifica e pueblo aki. Betico cu un carisma unico y curason grandi a siña henter su pueblo norma y balornan humano cual a traduci nan mes den un stima-cion incondicional pa Betico como persona. Betico tabatin dichonan cu hamas lo por wordo lubida manera “si mi cay na caminda boso



hamas laga e causa un banda pero gara e bandera y sigui cu e lucha”. Despues di tanto aña di lucha Aruba a logra drenta su Status Aparte dia 1 di januari 1986.

Betico lamentablemente ta accidenta na Sta Cruz 3 algun anochi di 31 di december 1985 y asina nunca a biba pa mira su propio logro y meritonan drenta na vigor. Historia y bida tin facetanan cu nos como sernan humano nunca lo comprende.

Danki na e lucha tenaz aki di Betico

y henter e elenco di MEP den añanan 70 y 80 Aruba a wordo libera di Antiyas y a conoce su propio Gobierno.

Betico lo keda den memoria di henter nos pueblo. Hopi ta esnan cu awe ainda ta yora nan lider maximo. Aruba, ban celebra Dia di Betico diahuebs awor 25 di januari, tanto mainta na Plaza Libertador Croes, na Cede di MEP y anochi un bes mas na Plaza Betico Croes. Laga nos hisa nos bandera y sali core rond y bishita tur e actividadnan rond Aruba.



Oficina di Turismo kier desea e pueblo di Aruba un feliz Dia di Betico.

Ban celebra e bida di Gilberto François ‘Betico’ Croes y su trabao incansabel pa Aruba, unda a inspira generacionnan cu su compromiso pa nos dushi isla.

**BO MESTER DI WASTE BUCKET RESIDENCIAL OF COMERCIAL?**

**ecotech aruba** **YAMA** **Mr. Bucket** **594-3757** **mrbucket@ecotech.aw**

20 yrd Big Bucket      15 yrd Junior Bucket      10 yrd Small Bucket

Parlamentario Endy Croes di MEP:

# Nos mester enfoca y probecha pa atrae y desaroya turismo deportivo

**SEGUN** Parlamentario Endy Croes ta importante y apropia pa Gobierno desaroya tambe otro tipo di turismo manera turismo Deportivo. Nos tin e infraestructura 'in place' pa turismo y mester probecha pa desaroya mas areanan den esaki. Turismo medico tambe ta un otro oportunidad cu un inversion of colaboracion cu cualkier instancia internacional pa brinda Aruba un specialismo den un of mas ramo. Continuando den area deportivo esaki ta un area cu ta creciendo.

posicion geografico tin alrededor di 500 miyon hende ta biba dentro di un buelo di 4 ora pa nos destinacion.

Aunke e mercado mas grandi mundialmente di turistanan cu ta gasta mas ta di Asia y India. Pero biniendo bek riba turismo deportivo ta e momento pa gobierno crea espacio y delinea un plan cu competencianan anual cu por genera y atrae turistanan deportivo. Esaki sigur lo ta inversionnan positivo unda un otro mercado di hen-

de lo cuminsa conoce y gusta Aruba como destinacion, ampliando y reforsando asina nos pilar economico number uno.

Endy Croes ta termina splicando cu e tin un reunion pendiente cu Minister di Deporte unda lo sigui amplia riba e ideanan aki. Deporte no por para keto den e proximo 4 añanan nos dilanti y ta hunto nos lo

mester percura pa atrae

parti di e mercado di turista deportivo cual finalmente lo bay ta bon pa nos pais.



Segun estadistica di expertonan den e ramo aki estudionan recien den 2017 ta ilustra cu tin alrededor di 12 miyon turista deportivo ta biaha pa aña. Esaki ta representa 14% di e mercado total di turistanan cu ta biaha pa aña.

Endy Croes a haci poco mas investigacion y mester bisa di acuerdo cu nos

**SETAR ta informa cu  
tur Teleshop y Setar Store  
ta sera pa 4:00 pm**

**diaranson dia 24 di januari 2018**

**E kiosk na Airport y Contact Center  
ta keda duna servicio orario  
normal dia 24 januari 2018.**

 **SETAR**

Parlamentario Edgard Vrolijk (MEP)

# Nos Libertador Betico Croes a laga den nos man e destino di nos pais

**DIAHUEBS** awor 25 januari pueblo ta celebra cumpleaños di nos lider inmortal, Betico Croes y tambe ta recorda su maximo esfuersonan pa uni e pueblo di Aruba pa nos pueblo por a kibra e cadena cu tabata tin nos dushi

isla Aruba mara, y cu su lucha incansabel na final a logra cu nos ta “baas in eigen huis”, cu e logro di nos Status Aparte.

Nos lider maximo tabata sa cu e tabatin un tarea hopi dificil, pasobra e pueblo ta-

bata hopi segregra y p’esey nos lider maximo a dicidi pa duna e isla su identidad cu ta su bandera y su himno. Esaki a duna cada ciudadano e sentimento nacionalista y cu cada bes cu e bandera bula y nos scucha nos Himno



“Aruba Dushi Tera” ta orguyoso di nos isla y cu pueblo completo tabata anhela pa nos isla ser reconoci rond di mundo y di por ta liber.

Awe nos como pueblo ta orguyoso di por mira nos bandera ta bula rond di mundo y tambe nos himno ta resona rond mundo, y cu mundo completo conoce nos isla y sigur lo mas importante nos por tin e destino di nos isla den nos propio man.

Nos lider maximo lamentablemente no por a mira realizacion di su logronan y p’esey den hopi di su discursonan tabata manda e men-

sahe pa nos, nos yiu y nos futuro generacionnan: “Laga nos cuida nos Status Aparte manera un clompi diamante y laga nos yiunan y yiu di nos yiunan garan bandera, cantanos himno y conserva nos patria Aruba”.

Na momento cu cosnan ta bay dificil den e pais aki hamas nos tin cu perde speranza, pero nos tin cu sigui lucha y no laga e lucha di nos Libertador Betico Croes tabata envano. Nos Libertador a laga pa nos un pais cu nos tin cu cuida y conserva y e unico manera cu nos por logra esaki ta den UNION. Un feliz dia di Betico diahuebs awor.



# Celebra Dia di Betico na Playa y San Nicolas



**DIAHUEBS** Aruba lo ta celebrando Dia di Betico y ful rond di nos isla lo tin diferente actividad pa festeha e dia aki en grandi. Stichting Rancho lo ta organisando su Rancho Walking Tour cual ta encera un tour extenso di 2 ora den e centro di Playa pa asina conoce un tiki mas e historia di e bario aki. E prome tour lo tuma luga pa 9'or di mainta y e di dos tour lo cuminsa pa 11'or. Tur interesado por pasa na Flor de Oriente pa asina nan por disfruta di un caminata interesante den un di e barioman mas bieu di Aruba.

Riba e mesun dia aki, Mundi Health Café lo habri su portanan oficialmente pa e publico di Aruba. E café aki ta situa den e monumento di Nicolaas Store na San Nicolas. Nan lo habri nan portanan for di 8'or di mainta te cu 10'or di anochi pa deleita un y

tur cu nan dushi cumindanan y bebidanan saludabel.

Ademas di esaki, Fundacion Museo Arubano tambe tin actividadnan planea na tur tres di su museonan. Museo Historico Aruba (Fort Zoutman), Museum of Industry y Community Museum lo habri nan portanan for di 10'or di mainta te cu 4'or di atardi pa asina duna henter pueblo di Aruba e oportunidad pa pasa bishita tur. Entrada na cada museo lo ta solamente 1 florin pa persona. Lo bai tin diferente stand di cuminda pa deleita e paladar di grandi y chikito y mas cu claro no por falta un bon variacion di cos dushi. E bar na cada museo tambe lo ta bon surti.

Na Museum of Industry, prome cu tur ambiente cuminsa, Princes Reanne lo canta Himno y repre-

sentantenan di grupo di scout St. Joris, APG, AJMG y Pioneer Club Aruba, lo hisa e bandera. DJ Vito Geerman tambe lo ta presente pa entretene e publico cu bon musica durante henter e evento. Pa 12'or di merdia nos lo tin un presentacion special di Derron Ellies, un Steelpannist di e ciudad di Manzanilla na Trinidad & Tobago cu lo ta di bishita na Aruba en conexion cu e Carnival Heritage Festival. Derron a cuminsa toca desde su 10 aña y a haci presentacionnan na

diferente pais. E lo deleita tur presente cu su musica y tambe lo conta mas tocante e historia di Steel Pan.

E aña aki e museonan lo ta organisando nan segundo Selfie Scavengerhunt "Nos Historia" cu e posibilidad pa gana diferente premio asombroso. Pa participa lo mester bishita tur tres museo y saca e selfies rekeri na cada un. E selfies mester wordo publica riba e Facebook di Fundacion Museo Arubano riba dia 25 mes. Tambe lo mester

like e Facebook di Fundacion Museo Arubano, Museo Historico Aruba, Museum of Industry y Community Museum. E selfie cu mas likes lo gana e premio mayor cu ta un weekend stay na The Ritz-Carlton, Aruba.

Henter pueblo di Aruba ta keda cordialmente invita pa participa den e diferente actividadnan cu lo tin diahuebs awo. Sali un rato for di cas y pasa un rato ameno cu famia. Nos ta warda boso.

## Feliz Dia di Betico

Riba su dia, nos ta refleha riba Betico su amor y aprecio pa nos isla. Betico masha danki!

Relaciona cu Dia di Betico, nos ta cera diahuebs **25 di januari 2018**. Nos disculpa pa posibel inconveniencia.

## Recordando e natalicio di Gilberto François (Betico) Croes

E nacemento di nos Libertador Gilberto François (Betico) Croes riba 25 di januari 1938 a marca un paso importante den historia politico di nos pais cu lo ser graba cu letranan di oro. Poco ta e politiconan den mundo cu Todopoderoso ta manda cu un mision pa cumpli cu ne a base di talentonan special. Y esey tabata Betico, un lider carismatico, visionario y sirbidor di pueblo, kende a duna su bida pa un causa noble, esta Status Aparte. Sin duda cu Betico Croes a realisa un deseo ferviente, un

anhelo grandi cu pa decadanan largo a biba den curason di cada Arubiano, esta cu algun dia nos lo ta un pais autonomo den Reino Hulandes. Hecho ta cu mas cu un politico a purba di trece cambio den e sistema estatal cu e pueblo Arubano tabata biba aden, sin embargo ningun por a logra esaki.

### Un lucha dedica na su pueblo

Tabata na aña 1971 cu e lider immortal Gilberto François Betico Croes a haya e inspiracion pa lanta su propio partido Movimiento Elector-

al di Pueblo (MEP) cu e meta di trece cambio den e structura estatal y tambe pa trece un reparticion husto den e desaroyo economico. Betico tabata sa cu pa logra e meta aki mester trece primeramente union den e pueblo Arubano sin distincion di raza, distrito, religion, status financiero of color politico. E union aki tabata esencial, ya cu tabata existi un division y un politica di segregacion den e epoca ey. Den e proceso pa uni e pueblo, Betico tabata e motor pa duna Aruba su propio himno, ban-




dera, ortografia, simbolonan di libertad y identidad di e pueblo Arubano. Semper Betico Croes a bisa cu e ta hopi orguyoso di ta yiu di e tera aki. Pueblo a kere den su sinceridad y den e manera senciyu cu e tabata anda cu su pueblo, pasobra te awe specialmente esnan cu tabatin hopi di haber cu ne ta admir'e y apreci'e.

### Logro di Status Aparte

Henter e bida di Betico Croes a ser dedica na e lucha estatal. E proceso estatal tabata uno hopi dificil y cu hopi decepcion na e momentonan clave. Sin embargo Betico Croes a persevera, a kita tur obstaculo den su caminda y hunto cu e pueblo Arubano a percura pa e ideal di mas grandi ser realisa, esta nos Status Aparte riba dia 1 di januari 1986. Nos tur como Arubiano mester reconece cu e lucha cu nos Libertador a hiba no tabata nada facil. Ta hopi sacrificio, sanger, sodo y lagrima a acompaña

Betico den su lucha y tur esaki cu un solo meta: Status Aparte pa nos dushi isla di Aruba. Aruba a bira un pais den Reino Hulandes cu su propio Constitucion, Gobierno, Parlamento, Banco Central, Procurador General etc. Esakinan ta e logronan historico cu a haci Betico e Arquitecto, Constructor y Realizador di nos Status Aparte.

Ta p'esey cada Arubiano y tambe tur esnan cu a bin biba den e pais aki mester muestra gratitud pa e logro grandi di Status Aparte y riba ki dia miho esaki por sosode cu no ta e fecha natalicio di Betico Croes, esta 25 di januari. Laga cada un di nos cu den transcurso di añanan a siña acepta nos simbolonan di union y libertad, nos himno bandera, cuminsa realisa cu pais Aruba tin su figura nacional cu mester ser aprecia pa un y tur y e gran inspiracion pa e logro di union aki ta nos Libertador Betico Croes.



## Feliz Dia di Betico

Nos oficina lo ta cera pa publico **diahuebs, 25 di januari y diabierna, 26 di januari 2018.**

Nos lo ta habri bek **dialuna, 29 di januari 2018.**



Seroe Blanco 4, Oranjestad Aruba | (297) 525.27.32 | www.apfaruba.org



**SETAR** TA DESEA  
HENTER E PUEBLO  
DI ARUBA UN FELIS DIA DI **BETICO**

**SETAR**

[www.setar.aw](http://www.setar.aw) | Follow us:

# Betico Day

**B I N G O**

Thursday, January 25th at 1pm

- 8 Games to Play
- \$8.50 for 4 Cards
- \$2,000 in Total Payouts!
- Special Door Prizes

**\$40,292**  
**PROGRESSIVE\***

Progressive within 51 Calls	Progressive within 52 Calls	Progressive within 53+ Calls
<b>\$500</b>	<b>\$300</b>	<b>\$200</b>

Double your prize with  
**POWERBALL 1-25!\*\***

\*Progressive within 50 calls, amount unless hit before 1/25/18  
\*\*Except on Progressive

**Alhambra**  
CASINO AND SHOPS

Open daily 10am to 4am | J.E. Irausquin Blvd #47  
583.5000 | [casinoalhambra.com](http://casinoalhambra.com)



Lo tin presentacion di Grupo di Betico 7'or di anochi!

## Renaissance Marketplace ta celebra Dia di Betico

DIAHUEBS awor ta Dia di Betico y manera cu tur hende sa, esaki ta un dia di celebracion cu ta keda subraya pa un ambiente familiar.

Renaissance Mall y tambe Marketplace ta invita e gran famia Arubiano pa celebra e dia aki cu ambiente folklorico y cuminda tipico. Core keiro rond Aruba y celebra e dia- pero 7'or

bo tin un cita na Renaissance Marketplace!

Dia 25 di januari venidero, lo tin presentacion di Grupo di Betico riba escenario principal na Renaissance Marketplace for di 7'or pa 9'or di anochi. Tambe lo tin presentacion di grupo di baile Nos Cultura cu lo deleita publico presente cu un baile tipico di Aruba. Disfruta di e am-

biente cultural mientras cu ta sinta come na un di e restaurantnan den Renaissance Marketplace.

Ta sigur cu e cushina tipico di Aruba lo ta e acento principal durante Dia di Betico. Renaissance Mall & Marketplace ta invita henter comunidad pa celebra Dia di Betico diahuebs venidero. Nos ta warda'bo!

**ROBERTSON**  
FIRE PROTECTION NV  
L.G. Smith Blvd 150 (Certified Mega Mall) • Oranjestad  
[www.arubafireprotection.com](http://www.arubafireprotection.com)  
TEL. 297-588-1918

*“Si mi cai na caminda, gara e Bandera y sigui cu e lucha.”*

**Feliz Dia di Betico!**

**ARUGAS**  
ARUBA GAS SUPPLY

**Feliz dia di Betico**

# Gran apertura di Aruba Dushi Tera ta Diaranson dia 24 di Januari 2018

ARUBA Dushi Tera automaticamente ta crea un sentimento patriotico.

Alabes e ta stimula un orguyo y amor pa Aruba no obstante bo ta un local of turista.

E gran apertura di e photo expo di potret riba canvas titula Aruba Dushi Tera lo ta di 7 - 9 PM na MFA Noord.

Lo tin potretnan riba canvas di Arabella Reyes - Colina, Isa Brown, Hanneke Bosma y Walter Mohamed.

E 4 participantenan ta amateur den fotografia.

Nan ta sali di RC Photography Group.

E fotografonan a traha basta luna riba e tema pa trece locual

nan ta compronde riba canvas y pasa network. Bin papia over di e arte di fotografia y si tin un potret riba canvas cu ta inspirabo.

bin presencia un bunita expo di potret

Esaki ta un momento oportuno pa

vooral potret riba canvas.

Y tambe bin tuma e oportunidad pa wak un potret riba canvas cu ta inspirabo.

**Budget**®

**Ban conmemora y celebra den union e fecha natal di e gran estadista di nos isla, Betico Croes. Un persona cu a contribui grandemente den nos desaroyo como pais.**

**Feliz dia di Betico**

Marisol Lopez-Tromp

## Importante pa sa cual areanan lo haya mas prioridad den implementacion di e Social Crisis Plan



**LIDER** di fraccion di POR den Parlamento, Marisol Lopez-Tromp a comenta riba e topico di Social Crisis Plan cu Gobierno a anuncia cu nan a aproba pa loke ta e parti social.

Tin casonan grave den ramo social na Aruba, manera tabata e caso di e dos muchanan cu a fayece aña pasa. Pesey mes Gobierno a pone como prioridad cu lo pone un suma riba presupuesto di Pais Aruba pa bay atende cu e parti social y dune prioridad.

Como miembro di Parlamento, Lopez-Tromp lo desea di haya sa cual ta e areanan cu lo bay haya mas prioridad teniendo na cuenta cu tin hopi topico manera ta derechonan di nos muchanan, nos hubentud, nos hende grandinan, esnan cu ta sufri malesanan cronico, famianan den dificultad, entre hopi otro.

Pesey e ta haye importante pa den e Comision Fiho di Parlamento pa loke ta e parti Social, Salud, Famia y Hubentud

pa invita e diferente instancianan concerni pa acudi na Parlamento pa duna informacion mas detaya riba kico pa nan mes ta e prioridadnan cu durante e prome aña di gobernacion mester wordo atendi di biaha.

Marisol Lopez-Tromp ta bisa cu e ta kere cu un di e topiconan sigur lo ta derecho di nos muchanan pa nan ta sigur den tur aspecto y pa nan no wordo maltrata, abusa ni negligha.

“Nos ta ancioso pa sa kico ta e siguiente rapportnan of documentonan cu a bin despues cu e Crisis Plan a wordo presenta pa bay den e fase di ehecusion di e plannan y tambe nos kier wak kico ta loke lo bin riba presupuesto di Pais Aruba den e luna nos dilanti pa por ehecuta esakinan tambe”.

**gamma**  
IT SOLUTIONS

**Ta desea tur hende un Feliz Dia di Betico.**

Gamma lo ta sera dia 25 y 26 di Januari.



### Fraccion di POR pendiente pa haya mas informacion riba Venezuela for di Prome Minister

**MIEMBRO** di fraccion di POR den Parlamento, Marisol Lopez-Tromp durante encuentro cu prensa a elabora riba e relacion actual cu Venezuela y riba cual Gobierno a bin ta informando comunidad regularmente.

El a indica cu fraccion di POR a manda recientemente un carta pa Prome Minister Evelyn Wever-Croes den cual ta pidie pa si e por bay Parlamento no solamente pa duna informacion, pero tambe pa contesta algun pregunta cu mirando e tema delicado no por wordo discuti publicamente.

Fraccion di POR lo keda pendiente pa e fecha cu lo wordo stipula pa e reunion tuma lugar.

## Lider di Fraccion di POR Marisol Lopez-Tromp **Mocion di Parlamento ta sostene Minister Otmar Oduber den su meta pa mitiga e dañonan di Pais Aruba**

**CONTRARIO** na e cion di crisis di Green Corridor, ta un mocion cu a wordo traha conhuntamente pa e fraccionnan cu ta sostene e coalicion. Marisol Lopez-Tromp,

lider di fraccion di POR den Parlamento a indica cu Minister Otmar Oduber, manera debe ser, a bay Parlamento pa duna informacion cu miembro-

nan di Parlamento no tabatin te cu e dia ey, a pesar cu e situacion di crisis tabata andando aparentemente pa hopi luna caba. Lamentablemente gobierno anterior no a informa Parlamento di esaki, al contrario, a bisa cu tur cos lo ta bon, a hasta tene fiesta eynan y a

bisa cu e brug por habri. Parlamento a wordo informa debidamente dor di Gobierno cu nan kier habri caminda pa inicia negociacionnan pa haci cu e daño cu ya caba tin lo ta menos posibel pa cu e proyecto di Green Corridor. Un proyecto den cual a constata un cantidad di fayos y negligencia bou di e ex Minister sr. Sevinger.

Lo cual kier haci awor aki ta un 'damage control' pa Pais Aruba no sali perhudica. Pesey Parlamento a duna e minister tur oportunidad pa negocia, cual en berdad ta hancra den ley cu e por haci esaki, pero kier tambe pa e regresa Parlamento y keda informa manera debe ser na un forma transparente mirando cu ta trata di 300 milyon di placa di pueblo.

"Ami no por comprende con un ex minister por a keda asina trankil pa un aña y mey cu e tabata sa cu no tin un supervision externo adecuado pa por yuda DOW cu e control di e proyecto aki. Esey tabata e preocupacion grandi cu tabatin durante e reunion den Parlamento". Marisol Lopez-Tromp a indica.

E spirito luchado di Betico ta e miho ehempel cu tur atleta Arubiano mester sigui

**Feliz dia di Betico, Aruba!**

**Loto**  
Gambiando Bida...

[www.lottoaruba.com](http://www.lottoaruba.com)

f t YouTube Instagram

# Evento di Camara di Comercio pa e comerciante bon bishita




*"Ki bal un homber sin derecho,  
Ki bal un homber sin bandera,  
Ki bal tin curason den pecho  
Si bo no ta liber den bo tera".*

**Felis Dia  
di Betico**

Di parti di staff y personal di  
Aruba Climate Control N. V.




**DIASABRA** 20 Januari ultimo Camara di Comercio (KvK) a tene su evento anual Business Plaza – Step Forward! y nos por bisa cu edicion number 6 tabata un evento exitoso pa e comerciante local en general.

Durante e evento aki a brinda e oportunidad pa asisti na diferente charlanan y haya oportunidadnan unico pa busca conseho pa negoshi. E patrocinado principal di e evento aki tabata Compliance & Forensic Services Caribbean.

Via di Business Plaza - Step Forward! KvK kier brinda informacion y guia na e empresario cu ta desea di expande su liña di producto of servicio nan y cu talbes kier restructura su negoshi of tin intencion pa expande cu mercado internacional.

Departamento di Presidente di Directiva di KvK, sr. Ernst Mohamed, a inicia e programa den e auditorio y a yama e publico un cordial bon bini na Business Plaza – Step Forward! Siguijente mente a sigui un panel di oradornan cu a con-

tribui na e programa di dia. sra. Jeanette Solognier di Compliance & Forensic Services Caribbean a elabora riba con ‘pre-employment screening’ por proteha bo negoshi contra fraude. Sra. Zulema Dabian-Erasmus di Exprodesk a duna presentacion cu e titulo “Bo exito, nos prioridad!”. Sra. Ivone Simon-Andrade di Simon Andrade Group a conta encuanto e storia di expansion di un empresario y prome cu pauze sra. Julie Kelly di Departamento di Labor a duna un presentacion encuanto acoso sexual na pia di trabou.

E pauze a duna oportunidad na esnan presente pa por a intercambia idea y crea of mehora relacion comercial. Tambe por a busca informacion cerca instancianan invita presente cu nan booth.

Departamento di Asunto Economico, Exprodesk, Raad van Kinderen y Compliance & Forensic Services Caribbean tabata esnan hunto cu e conseheronan di KvK cu tabata disponibel pa duna informacion na e publico presente.

pagina 22 y 23

Despues di e pauze, a continua cu presentacion di sr. Herbert Diaz cu a elabora riba bon maneho di un sistema di administracion. Sr. Randall Croes a elabora riba seguro pa empresanan y pa clausura e panel sr. Michael Lampe y sra. Bianca Peters a splica mas encuanto e “Incubator Project”.

E participantenan a haya e oportunidad pa yena un encuesta

tocante nan deseonan concerni cu un incubador. Nos ta invitabo participa na e encuesta cu ta disponibel riba nos website y tambe e Facebook di KvK.

Tur e presentacionnan tambe ta disponibel riba [www.arubachamber.com](http://www.arubachamber.com).

E siguiente evento Business Plaza lo tuma luga na 30 juni proximo caminda KvK lo organisa Business Plaza-Get Start-

ed! dirigi na e persona cu kier cuminsa un negoshi. Sigui KvK via Facebook of [www.arubachamber.com](http://www.arubachamber.com) pa pronto haya mas informacion tocante e evento aki! Pa mas informacion tocante edicionnan di Business Plaza y otro eventonan di KvK, por tuma contacto cu Business Information & Support na 582-1566 of manda un e-mail pa: [businessinfo@arubachamber.com](mailto:businessinfo@arubachamber.com).

**Crystal & Seaport Casino presents**

# BIGGER BETTER BINGO

*Dia di Betico*

**DOOR PRIZES**  
**4 x ..... \$200,-**

**PROGRESSIVE ABOVE AWG. 76K (IF NOT WON)**  
**POWER BALL AWG 4.500,-**  
 Bingo package = \$20.- (incl. progressive)

**THURSDAY**  
**JANUARY 25th, 2018**  
**Starting at 4:00PM**

**Location: Renaissance Convention Center & Crystal Theater**

<b>Game 1</b> .....	<b>\$500</b>	<b>Game 8</b> .....	<b>\$1000</b>
<b>Game 2</b> .....	<b>\$500</b>	<b>Game 9</b> .....	<b>\$2000</b>
<b>Game 3</b> .....	<b>\$500</b>	<b>Game 10.....Progressive</b> 51 to 54 calls ..... \$1.000,- 55 or more ..... \$500,-	
<b>Game 4</b> .....	<b>\$500</b>		
<b>Game 5</b> .....	<b>\$500</b>		
<b>Game 6</b> .....	<b>\$500</b>		
<b>Game 7</b> .....	<b>\$1000</b>	<b>Game 11..... \$10.000</b>	

*“Be prepared for a Cash Surprise”*

MEP ta recorda e fecha natalicio di nos Libertador:

## Betico Croes a drama su sanger, sodor y lagrima pa realisa e libertad di nos pueblo



SI e ta na bida awe, diahuebs awor nos lider inmortal y fundador di nos partido, Gilberto François 'Betico' Croes lo a cumpli 80 aña. Lamentablemente un accidente tragico 31 aña pasa a corta bida di e estadista di mas grandi cu nos pais a yega di conoce.

### Betico como maestro di scol

Betico a nace dia 25 di januari 1938. Despues di a termina su estudio como maestro di scol (Hoofdakte) na Hulanda, el a bay duna les na St. Jozefschool. Betico no solamente tabata conoci como un bon maestro, pero e tabata yuda masha hopi ariba tereno social. Despues cu el a logra obtene su L.O. Spaans y L.O. Handelskennis, el a bay duna les na St. Antonius college y asina a bay yuda directamente den formacion di e hubentud di Aruba. Den su pueblo tur hende tabata conoce como Meneer Betico, pasobra el a siña su alumnonan e disciplina berdadero cu un Arubiano mester tin pa progreso den bida.

### Betico como politico

Desde hoben caba Betico tabata tin deseo pa sirbi su pueblo como politico. Despues cu el a fungi como diputado pa algun aña, el a haya e inspiracion pa funda su propio partido social democrata, Movimiento Electoral di Pueblo MEP dia 9 di februari 1971. E partido aki a bira tambe e vehiculo principal den su lucha pa logra libertad di nos pueblo. Betico a demostra di tabata bon prepara y apesar di su edad hoben, e tabata tin e amplio conocimiento di e constelacion politico di Aruba y di otro paisnan di mundo. Desde principio di su carrera politico Betico Croes tabata kier a trece un cambio radical pa loke ta e estructura estatal di Antiyanan Hulandes, caminda e tabata boga





pa Aruba haya un status autonomo dentro di Reino Hulandes, esta Status Aparte. Pero pa por logra esey Betico tabata di pensamiento cu mester trece primeramente union den e pueblo Arubano, ya cu e tempo aya tabata tin hopi division y segregacion bao di e pueblo aki.

### E lucha di Betico

E prome paso firme pa logra e union di e pueblo Arubano tabata introduccion di nos simbolonan di union y libertad, esta nos himno y bandera na maart 1976. Tambe Betico a percura pa Aruba haya su propio ortografia etimologico di Papiamentu den e mesun aña ey.

Sin duda cu e simbolonan aki a contribui na trece union den nos pueblo, cual tabata esencial den e lucha cu Betico a hiba pa logra e Status Aparte tan anhela. Pero e vision di Betico a bay mas aya ora cu pa prome biaha den Reino Hulandes el a percura pa un Referendum consultativo ser organisa dia 25 maart 1977 y caminda 82% di e pueblo a vota pa un Aruba fuera di e constelacion Antiyano. Esaki a forma e base fuerte pa Aruba reclama su derecho di autodeterminacion. Sinembargo tabata e accionnan durante Augustus Scur na 1977 cu a pone Hulanda bao presion pa scucha kico berdaderamente tabata biba bao di pueblo Arubano.

### Logro di Status Aparte

Despues di e Conferencia di Mesa Rondo na maart di 1983 caminda Aruba a logra su derecho di autodeterminacion, finalmente entrante promer di januari 1986 nos a conoce nos Status Aparte.

Aruba a bira un pais autonomo den Reino Hulandes cu su propio Constitucion, Gobernador, Gobierno, Parlamento, Banco Central, moneda etc. Esakinan ta logronan historico cu a haci cu Betico a haya e titulo indiscutibel di Arkitecto, Constructor y Realizador di nos Status Aparte. Lamentablemente Betico Croes no por a mira ni un seconde di su logro cu tanto el a lucha p'e ya cu algun ora prome cu cambio di aña y na entrada di Sta-

tus Aparte el a accidenta, a bay den coma y esaki a dura te na su fayecimento dia 26 di november 1986.

Pueblo mester keda semper agradecido pa tur loke Betico Croes a haci pa duna nos pais su libertad. Laga nos tur riba su fecha natalicio diahuebs awor hisa nos bandera cu orguyo, canta nos himno cu henter nos curason y demostra na henter mundo cu como un pais chikito nos tambe tin nos Libertador, Betico Croes kende a duna su bida pa logra e libertad di e pueblo aki.

Alabes partido MEP ta invita henter pueblo pa un kofiemorgen diahuebs awor for di 10'or AM pa 2'or PM na Cede di MEP na Santa Cruz. Prome cu esey lo tin un Santo Sacrificio di misa pa 9'or AM na misa di Santa Cruz. Feliz dia di Betico.



*Feliz Dia di Betico*



## Swing cu AWEMainta

Diabierna awor

### Charla tocante Calypso, identidad y representacion femenino na Scol di Arte San Nicolas



DEN cuadro di e di cuater “Aruba Calypso Heritage Week”, Community Research Education and Development Project (CRED) ta organisa un actividad tocante musica di Calypso y su herencia cultural den Caribe y Aruba. Esaki lo tuma lugar na Scol di Arte San Nicolas, riba diabierna 26 di januari.

E Investigador Cultural, Gregory Richardson, lo “host” un charla y presentacion artistico cu titulo ‘Queens and Ladies in the Kaiso Arena: Gender, Identity and performance in Calypso’, unda lo enfoca riba e rol y representacion di e ‘Calypsonian’ femenino den un arte domina den gran parti pa un cultura masculino.

E presentador invita, Meagan Sylvester, ta un investigador y docente na University of the West Indies na Trinidad y lo presenta un analisis sociologico y etnomusicologico riba e tema aki. Despues di e charla lo muestra parti di e documentario Calypso Rose; The Lioness of the Jungle produci pa Pascale Obolo, y Mighty Lords, Kings and Queens (2015) produci pa Sharelly Emanuelson. Lo pone enfasis riba perspectiva di Calypsonian legendario di Tobago Calypso Rose y nos mesun artistanan local manera Lady K, Lady V y otronan den nan rol como ser femenino den e mundo di Calypso.

E anochi aki lo clausura cu un presentacion musical profesional di steelpannist Derron Ellies di Trinidad cu lo rindi un set varia di diferente composicionnan.

Fecha: 26 januari (diabierna)

Luga: Scol di Arte

Ora: 6:45-10:00pm

Idioma: Ingles y Papiamentu

Entrada: Gratis



## E careda di Betico Memorial 10K y 6K Fun Walk/Run organisa pa IBiSA “Ta cla pa start”

INSTITUTO Biba Sa- ludabel y Activo, IBiSA ta informa cu e careda grandi di aña, esta “Betico Memorial 6K y 10K Run” cu ta tuma lugar diahuebs awor dia 25 di januari 2018 ta

COMPLETAMENTE SOLD OUT. Despues cu siman pasa IBiSA a informa cu tabata ultimo siman pa inscribi pa e careda, reaccion tabata grandi. Inme-

diatamente participan- tenan a acudi na oficina di IBiSA y a inscribi pa participa, y paga pa confirma nan participacion cu e consecuencia cu tur cupo disponibel a yena.

For di cifranan y experiencia di añanan anterior, IBiSA a presupuesta 800 cupo pa e careda, y prome cu 12’or di merdia diahuebs dia 18 di januari tur cupo disponibel a yena. E interes pa

participa na e “Betico Memorial Run” semper ta sumamente grandi. Desafortunadamente no ta tuma mas inscripcion. Como institucion cu ta promove movencion y salud riba nos isla, IBiSA ta hopi contento cu e reaccion y resultado.

Diahuebs mainta dia di e careda, ta cuminsa 6’or di mainta dilanti di Centro Deportivo Betico Croes na Sta. Cruz. IBiSA ta haci un apelacion na tur esnan cu a inscribi pa participa na e grandioso “Betico Memorial 10K Run y e 6K Fun Walk & Run” pa percura pa nan ta trempan ‘warm-up’ pa e careda cu ta sali exactamente 6’or di mainta.

E 5 water post ta situa na Dupi Dupi, Wara Wara, Angochi/Coba Lodo, tambe lo por check e ruta y tur informacion manera e “waterpost” caya y cruzadanan via e link cu ta posted riba nos FaceBook IBiSA Aruba. Super Mercado Cas Ariba, Cas di Heny Leo y na start y finish cu ta na Centro deportivo Betico Croes IBiSA ta desea tur participante hopi exito y un feliz dia di Betico.



**Minister di Transporte, Comunicacion y Sector Primario**

**GOBIERNO DI ARUBA**

**Betico Croes: e homber luchador, e homber ehemplar, e homber noble cu a stima y bringa pa Aruba incondicionalmente. E tabata hopi mas cu un homber cu un amor inmenso pa Aruba, Betico ta e ehempel cu nos tur cu stima e pida baranca aki, mester sigui pa asina hiba nos pais riba e mihor caminda.**

**Felis Dia di Betico!**

# Aruba Tang Soo Do Federation lo celebra Dia di Betico 2018



**DIAHUEBS** awor 25 di Januari, riba Día di Betico, Aruba Tang Soo Do federation conhuntamente cu tur e scolnan di Gihae Tang Soo Do Studio Aruba lo organisa Copa Betico Croes 2018. Esaki lo ta un torneo cu lo ensera Hyungs (forma libre) y weapon hyungs (forma cu arma). Participacion ta tur alumno cuminsando di 2,5 aña di edad. Ta spera un participacion masal di e atletanan afilia na e federacion di Tang Soo Do Aruba. E competencia ta programa pa cuminsa 9or di mainta

y na e cas di Tang Soo Do esta Emma School na Ayo.

Mester bisa cu Aruba Tang Soo Do Federation ta un federacion hopi activo conoci pa su triunfonan sin lubida su actividadnan organisa riba tereno internacional. Aña pasa e organisacion a host e di 16th World Tang Soo Do Regional Championship Aruba cual sin duda tabata ta un exito rotundo.

E campeonato aki tabata di taya mundial mirando cu paisnan manera Puerto Rico, Costa Rica, Panama, Nicaragua, Hulanda y Merca, sin lubida nos propio atletanan di Aruba a participa na esaki. Es mas Aruba a ricibi bishita di e Grandmasternan di World Tang Soo Do, Kwan Chang Nim Strong y Kwan Chang Nim Beaudion como

tambe Regional Director Master Wilfredo Burgos.

Un danki sigur na Lotto, e Loteria di Aruba pa medio di Stichting Sportsubsidie Aruba cu a subsidia e eventonan deportivo enconexion cu e celebracion riba Dia di Betico. Tur aña mayoria federacion tin riba nan calendario un evento deportivo riba 25 di januari, celebrando asina e fecha natal di e gran estadistica Arubano.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Stichting Sportsubsidie Aruba.



# Landamento sincronisa cu dos dia di competencia celebrando Dia di Betico



*Feliz* Dia di *Betico*

En conexion cu celebracion di "Dia di Betico", nos oficianan lo ta cera riba **diahuebs, 25 di januari 2018** henter dia.

Den caso di emergencia, por yama nos Departamento di Storing libremente na 523-7147.



Wilhelminastraat 110 | Telephone: (297) 523-7100 | E-mail: [customerservice@elmar.aw](mailto:customerservice@elmar.aw) | [www.elmar.aw](http://www.elmar.aw)

TANTO diahuebs 25 di januari Dia di Betico como tambe e diasabra 27 di januari, landamento sincronisa lo organisa nan competencia pa y tur nan atletanan. Mester bisa cu dia 25 di januari e competencia ta riba "Figures", mientras e diasabra 27 di januari esaki lo ta riba rutina. Pa ambos dia e competencia ta programa pa cuminsa 9or di mainta den Pool Olimpico Roly Bisslik na Savaneta. E deporte di landamento sincronisa ta trahando riba talentonan nobo den nan deporte y ya caba por a wak e bon fruto di e trabou eherce. E anja 2017 sigur tabata un bon anja pae atletanan di landamento sincronisa unda e atletanan Neftaly Albertsz y Abigail de Veer a competi den e US Nationals na Arizona, mientras Kyra Hoevertsz y Shelby Kasse a logra gana medaya di Brons pa Aruba den e duet free na Argentina. Tambe e seleccion di landamento sincronisa a competi den e UANA/Panamerican Synchronized Swimming Championships na Santiago de Chile. E atleta Kyra Hoevertsz a logra medaya di Bronz den e Solo Free Senior den e UANA Panamerican Championship.

Un danki sigur na Lotto, e Loteria di Aruba pa medio di Stichting Sportsubsidie Aruba cu a subsidia e eventonan deportivo enconexion cu e celebracion riba Dia di Betico. Tur aña mayoria federacion tin riba nan calendario un evento deportivo riba 25 di januari, celebrando asina e fecha natal di e gran estadistica Arubano.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Stichting Sportsubsidie Aruba.




 **KOORYMAN**

TA DESEA PUEBLO  
DI ARUBA UN  
**FELIZ DIA  
DI BETICO**

 **KOORYMAN MEGASTORE**  
NON-STOP DI 7AM TE CU 7PM Y DIADOMINGO 9AM PA 2PM  
KOORYMAN MEGASTORE AV. E. J. (WATTY) VOS 20

 [WWW.KOORYMANBV.COM](http://WWW.KOORYMANBV.COM)

# Torneo doubles den bowling celebrando Dia di Betico



DIABIerna 26 di januari benidero, e federacion di bowling, ARBAS lo organisa un torneo di doubles cu lo wordo hunga riba “official sport pattern”. Pa e hungadornan cu ta forma parti di e seleccion nacional e lo ta un performance game, pues un competencia local. Mas cu claro pa hasi esaki un competitivo pa tur participante, e averahe hunto conta di e duo participante no mag pasa 360. Cu otro palabra si un atleta su averahe ta 200 e mester busca un pareha pa forma e double cu tin un averahe di 160. E competencia lo ta Open pa tur hende cu kier participa. Por hunga den doubles cabayero, dama of mixto. E torneo ta programa pa cuminsa 7or di anochi.

E aña 2017, tabata un sublime pa e deporte di bowling unda Thashaina Seraus ta sobresali un bes mas cu su scol na Merca ganando varios premio individual y den ekipo. E mesun atleta Seraus ta logra un di dos lugar den e final di PBWA na Greenbay, Winsconsin. Tambe nos a haya Elias Halabi cu ta logra gana un torneo na Asia esta e Macau Open na Taiwan. E bolicheronan femenino Thashaina Seraus y Kamilah Dammers-Naddall a drenta den e top 10 di e miho bolicheranan di e continente America, cu Thashaina na number 8 y Kamilah na number 9. Na nivel di seleccion hopi a wordo logra. Tanto e cabayero como e damanan a logra clasifica pa e Weganan Centro Americano y Del Caribe Baranquilla. E trio Kamilah Dammers, Thashaina Seraus y Jeadine Luidens a logra medaya di Plata den e CAC di bowling na Gautemala.

Un danki sigur na Lotto, e Loteria di Aruba pa medio di Stichting Sportsubsidie Aruba cu a subsidia e eventonan deportivo enconexion cu e celebracion riba Dia di Betico. Tur aña mayoria federacion tin riba nan calendario un evento deportivo riba 25 di januari, celebrando asina e fecha natal di e gran estadistica Arubano.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadornan y na mes momento inverti den deporte local pa medio di donacionnan na e Stichting Sportsubsidie Aruba.

25 Januari, Fecha Natalicio

*Gilberto Francois 'Betico' Croes*



**Bin descubri  
e libertad di  
Naturalesa den  
Parke Nacional  
Arikok!**

*Felis*

*Dia di Betico*



# Despedida caluroso pa un pension bon merci



**HOPI** alegria, como tambe algun lagrima, a keda comparti na momento cu e colega popular Sybil Henriquez-John y Rubert Martis a ricibi tur e mihor deseonan na momento di nan hubilacion for di Playa Linda Beach Resort. Ambos ta bon conoci den nan departamentonan y entre e miembro y bishitantenan di e resort, riba kendenan semper nan a causa un impacto positivo durante nan hopi aña di servicio como profesionalnan di hospitalidad.

Sybil, especialmente, tabata e cara stima di e resort, despues di a traha den Housekeeping pa casi 34 aña. Su manera amigable, y su sonrisa semper presente, tabata su marca reconocibel, cu a haciele tanto popular como un baluarte importante pa e resort. E tabata semper disponibel pa duna un man y yuda su coleganan, hopi cu a atende su fiesta di hubileo pa brinda pa su logronan y muestra nan aprecio pa su trabou duro y bondad demostra diariamente. Executive Housekeeper Ingrid Todd, banda di Gerencia, incluyendo Gerente General Peter van Grinsven, y Presidente di Asociacion Cooperativa di Playa Linda Angela Guarino, kende tambe tabata presente, a reitera storianan di elogio pa su contribucionnan na pia di trabou como tambe como amiga y miembro di famia di e team di Housekeeping.

Rubert Martis a traha na Playa Linda pa 11 aña, pero similarmente a tabata tin un impacto fuerte durante su carera na e resort. Como un Beach Concierge, e tabata un presencia constante, trahando riba beach cu huesped y cu su team riba varios esfuerzo di limpieza riba beach. Su actitud alegre y anima, manteniendo tur hende hariendo y den bon espirito tabata presente tur dia na pia di trabou, y mas cu claro no por a falta su fiesta di despedida cu su coleganan di trabou.

Playa Linda Beach Resort ta gradici y felicita tanto Sybil como Rubert, y ta desea nan un feliz hubileo yen di goso.

**CITGO Aruba**  
celebrates Dia di Betico together  
with the Aruban community

# Feliz Dia di Betico

JANUARY 25  
2018





## Federacion di Esgrima lo celebra Dia di Betico e diasabra 27 di januari na IBISA San Nicolas

**DIASABRA** mainta 27 di januari, e federacion di esgrima, S.A.B.A lo ta organisa su prome competencia pa loke ta e calendario di actividad di esgrima den 2018. E competencia lo ta relaciona cu “Dia di Betico 2018” y ta pa tur e clubnan miembro di esgrima na Aruba. E competencia lo wordo teni na IBISA San Nicolas y ta programa pa cuminsa pa 10or di mainta. Inscripcion lo ta for di 9or di mainta mientras tur atleta ta ser pedi pa bin uniforma. Mester bisa cu e competencia ta riba wapen y degen. E deporte di esgrima conoci tambe como un deporte Olimpico ta creciendo poco poco na Aruba mirando e scolnan cu tini. Aña pasa e federacion a conoce un bon temporada unda a logra varios premio den e Dutch Caribbean Fencing Championship. E federacion di esgrima a organisa tambe un workshop duna pa e experto mr. Sarkis Assadorian. E workshop aki tabata un exito rotundo unda e experto mr. Assadorian durante 6 dia largo a duna diferente tayer unda a enfoca riba e agilidad, reflex, resistencia, habilidadnan basico, drills y mas cu claro con pa anda cu e material di esgrima.

Un danki sigur na Lotto, e Loteria di Aruba pa medio di Stichting Sportsubsidie Aruba cu a subsidia e eventonan deportivo enconexion cu e celebracion riba Dia di Betico. Tur aña mayoria federacion tin riba nan calendario un evento deportivo rond di e fecha di 25 di januari, celebrando asina e fecha natal di e gran estadistica Arubano, Betico Croes.

Cumprando weganan di Lotto, e Loteria di Aruba bo ta contribui na deporte riba nos isla. Meta di e fundacion ta pa organisa loteria, cambia bida di su hungadonan y na mes momento inverti den deporte local pa medio di donacionnan na e Stichting Sportsubsidie Aruba.



**BANCO DI CARIBE**

### OFFICIËLE KOERSEN TEN OPZICHTE VAN DE ARUBAANSE FLORIN

GELDIG OP 23 Jan, 2018 EN TOT NADER ORDER

valuta	aankoop van publiek			verkoop aan publiek	
	bankpapier	wissels, CHQ's reischeques en overboekingen			
Ned. Antil. Gulden Per ANG 100	ANG	98.00	100.00	biljetten chq./overboeking	100.20 100.00
Amerikaanse dollar	USD	1.77	1.78		1.80
Canadese dollar	CAD	1.40	1.42		1.44
Zwitserse frank (per 100)	CHF	185.02	185.74		186.54
Pond sterling	GBP	2.42	2.47		2.53
Japanse yen (per 10.000)	JPY	159.72	161.18		162.80
EURO (per 100)	EUR	216.19	218.16		220.35
Deense kroon (per 100)	DKK	28.34	29.06		29.86
Noorse kroon (per 100)	NOK	21.63	22.35		23.15
Zweedse kroon (per 100)	SEK	21.15	21.87		22.67



# Daniella Pop ta preparando pa representa ARUBA na e certamen Teen Universe na Nicaragua

Dia 31 di Januari Daniella tin un Wine and Cheese Fundraising na House of Mosaic



**SRTA.** Daniella Pop lo ta ARUBA su representante di dia 11 pa 18 di February na Nicaragua pa e certamen di Teen Universe. Aña pasa Daniella Pop a logra e titulo di Miss Teen Model y 1st Runner Up Miss Teen Aruba International y esaki a dune e oportunidad pa representa nos isla na Nicaragua pa Teen Universe. Daniella un hoben di 17 aña ta basta popular den nos comunidad ya cu ora e tabata mas jong a participa den Festivalnan di Calypso y Roadmarch y tambe tabata Pre Teen Aruba y a yega di representa Aruba na El Salvador pa Pre Teen Meso America.

Daniella apenas despues di a Sali den e cuadro di honor di Miss Teen Aruba International a lansa tambe un proyecto cu e tabata traha riba dje pa basta tempo cual ta videonan pa guia nos muchanan y hobennan e consecuencia cu Bullying por trece cune ya cu Daniella mes a pasa den e experiencia aki. Den cuadro di e preparacion di Daniella pa exterior tin un Fundraising Wine and Cheese event cu lo tuma luga dia 31 di Januari di 8 pa 11 pm na House of Mosaic y tin un costo di Afl. 100,00



Pabien Aruba cu e celebracion di dia di Betico  
*"Respeto derecho di otro, esey ta garantisa bo pas"*

Si bo persona ta desea di coopera cu nos representante pa asina e por caba di cubri algun gasto por cumpra carchi cerca Tio George na 561-61-51 of cerca Nancy Dabian na 594-74-68. Nos por deliver e carchi pabo tambe. Ban duna un apoyo na nos hobennan cu lo saca cara den exterior y asina representa nos dushi hendenan na Nicaragua. Esaki ta Aruba su di dos participacion den e certamen aki ya cu na aña 2013 Isabella Gonzales 2nd Runner Up MTAI 2012 a representa Aruba den dicho certamen y a keda den e Top 12 di e certamen.

Daniella ta biahando cu un delegacion chikito pa Nicaragua pero cu hopi entusiasmo pa duna su mihor pa representa nos hendenan dignamente. Keda pendiente pasobra nos lo sigui update di e desaroyo di nos representante Daniella Pop.

# Aruba Certification Program ta sera acuerdo cu instituto renombra



E team dinamico di Aruba Tourism Authority (ATA) y Hotel Management School Maastricht (HMSM), ACP lo wordo reinforsa pa eleva e contenido di e programa relaciona cu nivelnan operacional y ehecutivo.

Adicionalmente e den hospitalidad di trainer di ACP lo sigi un trayectoria especialmente diseña pa ACP den estilo 'Train the Trainer' pa mehora y eleva e asina jama 'training and consulting skills' di cada un trainer.

Durante un siman intensivo di combersacionnan cu diferente actornan y socio den industria di turismo, e equipo di ACP conhuntamente cu e expertonan

e HMSM a delinea e nivel di servicio actual como tambe e contexto local cu lo sirbi pa mehora e modulo di Servicio Excelente di ACP.

Durante di e combersacionnan aki a bin dilanti, cu e asina jama "Aruban Touch" ta un aspecto cardinal y intangible cu por cierto ta e elemento di mas fundamental di Aruba su servicio excelente.

Pa por duna servicio excelente, y ofrece un experiencia inolvidabel, abo como persona mester sinti aprecia y contento na trabou.

Pa e motibo aki, den e modulo nobo lo enfoca ainda mas ariba e persona, cu ta e trahado na pia di trabou. Tambe lo enfoca mas ariba comunicacion entre colega y colega cu manager como tambe e aspecto di 'happiness' en general.

E manera autentico di e Arubiano pa ta servicial, atento y humilde ta factornan cu ta percira conhuntamente cu nos bishitantenan lo experencia un sentimiento y servicio inolvidabel.

Esaki por cierto, ta netamente loke nos kier logra cu e tipo di training nan aki. Manera e famoso filosofo y poeta Mericano Maya Angelou a jega di comparti: "People will forget what you said, people will forget what you did, but they will never forget how you made them feel".

E expertonan lo ta back na Aruba den luna di Maart pa ranka sali cu e 'Train the Trainer' program pa e ekipo di ACP.

E colaboracion extenso aki sigur lo equipa e trainers di ACP aun mas pa loke ta trata e sesionnan di e programa di certificacion 'Mi Compromiso' y e compromiso di ACP ta pa keda percira pa juda y asisti tur organisacion cu di un of otro forma ta brinda servicio na nos bishitantenan, mehora y eleva e servicio aki na beneficio di e experencia inolvidabel.



Diamars pa Diadomingo 11:30AM pa 10:00PM  
Orange Plaza Mall - Tel: (297)2806666 - [www.redfisharuba.com](http://www.redfisharuba.com)

Feliz Dia di Betico

# No tin sorteo di Lotto diahuebs



LOTTO ta anuncia cu mañan, 25 di januari, nos oficina situa na Oranjestad y San Nicolaas lo ta sera. No tin sorteo di Lotto ni merdia, ni anochi. Ta bon pa nos clientenan tene bon cuenta cu esaki. Tur sorteo ta sigui normal riba diabierna, 26 di januari, 2018. Lotto cu hopi orguyo, ta observando e fecha di nacemento di Libertador Gilberto François "Betico" Croes, un dia di fiesta oficial pa nos dushi isla. Lotto ta desea bo un Feliz Dia di Betico.

Lotto, e loteria di Aruba tin diferente wegá; Catochi, Big 4, I-OFF, Zodiac, Wegá di Number Korsou di Lotto, Lotto di Dia, Lotto 5, Mini Mega cu su Mega Plus y e diferente weganan di Raspa y Gana. Cumprando Lotto bo ta contribui na deporte riba nos isla. E meta ta pa organisa loteria, cambia bida di su hungadonan y na mes momento inverti den deporte local pa medio di donacionnan na e comision di subsidio.

GOBIERNO DI ARUBA

"Si mi cay na caminda,  
gara e bandera y sigui  
cu e lucha."  
Gilberto François "Betico" Croes

**PABIEN ARUBA**  
Feliz dia di **BETICO**  
— 25 Januari —

# DigiD ta habri un “balie” na Aruba



FOR di dialuna 29 di januari 2018 ta posibel pa haya un codigo di activacion (activering-code) na recepcion (balie) di Vertegenwoordiging van Nederland (VNO) na Oranjestad, cu ta necesario pa por hasi un peticion pa un DigiD.

Di e forma aki ta bira mas facil pa hendenan cu tin e identidad Hulandes y cu ta biba na Aruba trata diferente asunto den forma digital cu gobierno Hulandes. E servicio aki lo ta disponibel dentro di poco tempo na Willemstad – Curaçao – tambe.

DigiD ta nifica Identidad Digital, cu cua por “log in” riba “websitenan” di Gobierno Hulandes y di cuida.

Mas y mas organisacionnan gubernamental Hulandes ta uza DigiD pa por haya acceso na nan dunamento di servicio via internet. DigiD ta necesario, por ehempel, pa por mira post digital di Servicio di Impuesto den e mailbox di “Mijn Overheid”. Banda di esaki ta posibel, por ehempel, pa (ex)studentenan, pa den “Mijn DUO”, mira e cantidad di debe di estudio cu nan tin na DUO, pa cambia informacion “online” y pa mira e post digital di DUO.

Pa bini na remarca pa hasi un peticion via e recepcion di DigiD na Aruba, tin algun condicion aplicabel, manera: e persona mester tin un number di servicio di ciudadano, esta BSN (burgerservicenummer). Por haya mas informacion tocante esaki via: [https://digid.nl/aanvragen\\_buitenland](https://digid.nl/aanvragen_buitenland). Ciudadanonan kendenan a cuminsa cu e peticion online, y kendenan ta dispone di un codigo (baliecode), por haci un cita cu VNO pa busca nan codigo di activacion (activering-code). Esaki por for di dialuna pa diabierna, entre 9’or di mainta y 12’or di merdia. Pa un cita por yama (+297) 525-2866 of manda un e-mail pa [info@vno.minbkz.nl](mailto:info@vno.minbkz.nl). ‘  
Riba e potret: señora Jerney Robert-Harms a participa den e test exitoso y a bira e prome persona na Aruba cu a haya un activering-code.

# Swing cu AWEMainta



## Departamento di Salud Publico ta conseha: Gosa di nos Carnaval sanamente



**TEMPORADA** di Carnaval ta den full swing. Un temporada dushi, pero tambe un temporada unda nos mester cuida nos salud pa evita consecuen-  
Carnaval ta den full swing. Un temporada dushi, pero tambe un temporada unda nos mester cuida nos salud pa evita consecuen-  
anan cu por tin su efec-  
tonan pa bida largo.  
Departamento di Salud  
Publico ta keda encura-  
sha mayornan pa cuida

y proteha nos muchan-  
an menor di 5 aña y  
no hiba nan actividad  
di Carnaval. E realidad  
ta cu nan no ta gosa di  
Carnaval manera mu-  
cha mas grandi of per-  
sona adulto. E dia ta  
mucho largo y druk pa  
nan. Muchanan ta can-  
sa lihe y por bira fastio-  
so, nan mester di nan  
sosiego di tur merdia y  
bon proteccion pa solo

cu ta fuerte y pa asina  
no deshidrata.

Mayornan cu ta bay  
actividadnan di Car-  
naval cu mucha mester  
tin bon bista riba nan  
constantemente paso-  
bra ta facil pa perde  
un mucha for di bista,  
mucha por pasa facil-  
mente bou baricada cu  
peligro pa keda atropeda  
pa trucknan cu ta pasa.

Ademas e zonido ta  
mucho duro pa nan y  
por causa daño inrepa-  
rabel na nan oido. Na  
nos hobennan y partic-  
ipantenan cu ta gusta  
baila cerca di e speak-  
ernan proteha boso  
oido pasobra esaki por  
causa daño perman-  
ente na bo oido.

Directie Volksgezond-  
heid ta haci peticion  
na tur participante y  
mirones pa semper uza  
earplugs y proteha bo  
oido na tur momento.

solo. DVG ta conseha  
publico y e participan-  
tenan den Carnaval pa  
bebe suficiente awa of  
likido pa no deshidrata.  
Bisti un pechi of som-  
bre y para den sombra  
pa proteha contra solo  
y si bo ta den parada  
percura pa bo head-  
piece ta di tal manera  
cu e ta cubri bo cabes.  
Uza bril di solo cu UV  
protector pa proteha e  
wowonan y no lubida  
di hunta sunblock pa  
proteha bo cuero con-  
tra e rayonan di solo.  
Corda cu sunblock  
mester wordo aplica  
di nobo caba pasa 1-2  
ora pa por garantiza  
un bon proteccion.  
Cancer di cuero no ta  
desaroya di un dia pa  
otro pero si despues di  
un temporada largo di  
exposicion na rayonan  
fuerte di solo cu nos na  
Aruba no por evita.

Un otro factor cu  
DVG ta pone hopi at-  
encion na dje ta solo.  
E paradanan den dia  
ta hopi ora largo y un  
persona ta wordo ex-  
poni tur e oranan aki  
na e rayonan dañino di

Pa mas informacion  
por tuma contacto  
cu Departamento di  
Salud Publico na tele-  
foon 522-4200 of sigui  
nos riba nos Facebook  
Directie Volksgezond-  
heid Aruba.

*Feliz Dia di Betico*

**Driftwood** Restaurant  
Authentic Aruban Seafood  
SINCE 1986  
30th Anniversary

Dialuna pa Diasabra 5:00PM pa 10:30PM  
Klipstraat 12 - Tel: (297)5832515 - [www.driftwoodaruba.com](http://www.driftwoodaruba.com)

GOBIERNO DI ARUBA Y MINISTERIO DI CULTURA  
TA INVITA ARUBA EN GENERAL

**BAN CELEBRA  
DIA DI BETICO**  
DIAHUEBS  
25 JANUARI 2018

GOBIERNO DI ARUBA

DCA  
Departamento di Cultura Aruba

CALENDARIO DI ACTIVIDADNAN RIBA DIA DI BETICO 2018

ORGANISADOR	ACTIVIDAD	LUGAR	ORARIO
Comision Celebracion Dianan Nacional	Programa Protocolar	Plaza Libertador Gilberto François Croes	09:00 a.m.-11:30 a.m.
Comision Celebracion Dianan Nacional	Actividad Cultural	Plaza Libertador Gilberto François Croes	06:00 p.m.-10:30 p.m.
Santa Rosa	Mercado Dia di Betico	Piedra Plat	08:00 a.m. - 01:00 p.m.
Centro 'Curason' Santa Cruz	Dia di Famia ... Dia di Betico	Centro Curason Santa Cruz	10:30 a.m. - 02:00 p.m.
Fundacion Grace Bareño	Koffiemorgen	Cede di Partido MEP, Papilon, Sta. Cruz	09:00 a.m. - 02:00 p.m.
Museo Historico Aruba	Nos Historia / Selfie Scavengerhunt	Zoutmanstraat # 3, Oranjestad	10:00 a.m. - 04:00 p.m.
Community Museum	Nos Historia / Selfie Scavengerhunt	Van Slobbestraat S.N. banda di CMB	10:00 a.m. - 04:00 p.m.
Museum of Industry Aruba	Nos Historia / Selfie Scavengerhunt	Bernhardstraat # 164 San Nicolas	10:00 a.m. - 04:00 p.m.
Fundacion Betico Croes	Expo/Manifestacion Cultural y Feria	Plaza Status Aparte (Cas Mayornan di Betico)	07:00 a.m. - 07:00 p.m.
Don Flip Racing Foundation	Wega Popular	Plaza Deto Varis Cas Ariba Sta, Cruz	12:00p.m. - 08:00 p.m.
IBISA	Betico Mem.10K Run 6K Walk & Run	Centro Deportivo Betico Croes, Sta. Cruz	06:00 a.m.
Schaak Bond	Copa Betico Croes 2018	Nieuwstraat # 11, Oranjestad	10:00 a.m. - 03:00 p.m.
Centro di Bario Playa Pabou	Bike Tour... Paseo di Bicicleta	Centro di Bario Playa Pabou	09:00 a.m. - 06:00 p.m.
Paseo Herencia	Celebracion Dia di Betico	Paseo Herencia	06:00 p.m.-10:00 p.m.

Relaciona cu Dia di Betico:

# Adaptacion den rutanan residencial di Serlimar y den horario di Parkietenbos

SERLIMAR ta comunica e siguiente adaptacionnan en coneccion cu Dia di Betico:

### Rutanan Residencial:

Mirando cu e dia oficial di fiesta lo ta riba un diahuebs, esaki ta nifica cu rutanan residencial di diahuebs y diabierna lo ser recoge un dia despues di e dia fiho di recoge, esta:

- Diahuebs 25 januari, Dia di Betico, lo no tin servicio;
- Rutanan di diahuebs lo ser recoge riba diabierna, 26 januari.
- Rutanan di diabierna lo ser recoge riba diasabra 27 januari.

Entrante dialuna, 29 di januari lo asumi e schedule normal atrobe.

### Parkietenbos Weegbrug y Containerpark

Tanto e Weegbrug y como tambe e containerpark na Parkietenbos lo ta cera riba Dia di Betico. Lo asumi operacionnan atrobe riba diabierna 26 di januari segun horario normal.

Pa mas informacion, comunica libremente cu nos na 5245080.

Serlimar ta desea comunidad di Aruba un felis Dia di Betico.

# ARUBA

## Ban celebra Dia di Betico

Ban celebra hunto y en grande e dia aki pa conmemora Gilberto François (Betico) Croes, Libertador di Aruba.



YRAUSQUIN

L.G. Smith Boulevard 112, Oranjestad, Aruba / Tel: (297) 524 4444  
Fax: (297) 582 6661 / e-mail: info@yrausquin.com / www.yrausquin.com

Bruniel Kruythoff di Dojo Boye Martial Arts Center a clasifica p'e mundial di Muay Thai 2018

## Fundacion Lotto pa Deporte sosteniendo deporte di arte marcial



**DOJO** Boye Martial Arts Center a reuni cu Fundacion Lotto pa Deporte unda cu a recorda con e aña anterior a bay. Ronny Boye, instructor di e dojo, a expresa su gratitud pe yudansa cu nan a ricibi. Dojo Boye Martial Arts Center a entrega Fundacion Lotto pa Deporte e invitacion di e atleta Bruniel Kruythoff, kende a representa Aruba den e Panamerican Muay Confederation aña pasa na Colombia y a clasifica p'e competencia mundial di Muay Thai 2018 na Thailand. Fundacion Lotto pa Deporte a keda contento cu e logro aki di e atleta kende a destaca den e deporte di arte marcial.

Ronny Maduro tabata contento cu su encuentro cu Fundacion Lotto pa Deporte, unda cu el a expresa su gratitud na e director di FLpD p'e yudansa cu nan a ricibi. "Di Stefano Wernet tabata un alumno di mi. E sa cu sport ta hopi importante y no yega pone un hende", asina el a expresa. E reunion cu FLpD tabata importante p'e instructor pa motibo cu e persona tabata un atleta y sa kico ta un atleta. E encuentro entre FLpD y Dojo Boye Martial Arts Center a bay den un ambiente ameno, unda cu mr. Di-Stefano Wernet RA, direc-

tor di FLpD a scucha riba e logronan di aña pasa na Colombia y cu e aña aki na Maart nan lo ta competiendo den e competencia mundial.

Durante e encuentro aki a splica riba e parti cu Lotto ta genera e placa pa asina deporte sigui na Aruba, di cual hopi hende ta mira esaki diferente. "Lotto ta mira e seriedad di un organisacion y seriedad di un atleta. Nan mester mira kico bo ta haciendo pa bo yega unda bo mester yega", asina el a elabora. Aña pasa FLpD a mira e seriedad di Dojo Boye Martial Arts Center, pasobra nan a clasifica na Surinam cu 2 atleta y despues mester a bay Colombia. E dojo a acerca FLpD y asina nan a haya e yudansa pa competi na Colombia, unda cu nan a logra 1 medaya di oro y 1 di plata y a clasifica pa representa Aruba den e mundial na Thailand den luna di Maart. E atletanan den Muay Thai Kickboxing ta riba un bon nivel, pasobra Rusia y otro paisnan grandi di Europa no a logra clasifica p'e campeonato aki, asina Ronny Boye a expresa. Nan lo mester ta presente na Thailand dia 7 di Maart, unda cu tin un clinica. Aki e atleta lo tin cu haci test, pa asina e por competi.

Aña pasa Fundacion Lotto pa Deporte a yuda Dojo Boye Martial Arts Center pa participa den e torneo di clasificatorio na Bogota. Lotto un biaha mas ta yuda nan, pasobra nan t'ey pa yuda deporte pero principalmente e hubentud. Un deporte, sea e ta karate, muay thai of taekwondo, ta duna hende disciplina, perseverancia y respet. Lotto ta agradecido na e cumpradonan, pasobra mas loteria bendi por yuda mas deporte. Aña pasa tabatin hopi evento y Lotto tin plannan grandi p'e comunidad deportivo.

EcoGas ta cumpli cu peticion di Gobierno

## TESTNAN RIBA “ENVIROBALES” A SALI POSITIVO ATROBE

A laga haci testnan na Merca e aña aki ainda



**AUNKE** cu den pasado a haci testnan científico caba riba e saconan cu EcoGas ta dera y tur a sali positivo, toch Gobierno na final di aña a pidi pa bolbe haci e testnan aki pero cu standard mas halto ainda.

EcoGas a cumpli cu e peticion y a manda “samples” cu a yega e laboratorio dia 11 di januari ultimo. Despues cu ingenieronan na Merca a revisa e samplesnan di nobo, a pasa nan dor di pruebanan sofisticada, a conclui na final cu e resultado ta positivo atrobe!

Mark Bruce Ph.D., den su funcion di Corporate Technical Director di Test America, a skirbi un carta dia 19 di januari 2018 relaciona cu e pruebanan solicita di EcoGas. Den su rapport, e ta indica cu a efectua diferente metodo pa haci pruebanan necesario riba e di sushi procesa door di EcoGas. Ta referi na metodonan pa evalua “Solid Waste, Physical/Chemical Methods”. Tur e testnan a sali miho di locual e standard nan internacional ta rekeri.

Cu e testnan aki haci di nobo, EcoGas ta garantisa, cu prueba di compania internacional, cu nan ta aplicando e miho formula riba mercado pa deshaci di desperdicio seco. E formula aki ta garantisa cu ta deshaci di desperdicio na un forma corecto y na mes momento ta soluciona e reto di yena buraconan grandi tur rond di nos isla.

EcoGas ta e prome fabrica di gasificacion di su tipo den Caribe, den Latino America, pero tambe Norte America. Meta di EcoGas ta pa baha e cantidad di desperdicio nobo cu ta deposita riba dump. Un otro meta ta pa EcoGas sirbi como ehempel pa otro paisnan y bende e exper-ticio cu otro pais y companianan den exterior.

Aruba actualmente tin 100 pa 110 mil ton di sushi anualmente cu por procesa den e planta. Esaki ta exclui sushi manera santo, piedra, concret, etc. cu ta wordo procesa na un otro forma. Pa un isla manera Aruba cu 100 mil habitante y un miyon turista pa aña, esaki ta un cantidad hopi grandi di desperdicio, pero mester tene semper den mente cu Aruba ta importa tur cos y no ta fabrica nada cu ta uza e materialnan importa localmente. Hasta paña cu no ta wordo uza mas ta wordo tira afo, tanten cu na hopi otro pais hasta paña ta wordo recicla y exporta.

EcoGas ta traha cu personal tecnico bon entrena, cu ta inclui algun ex trahadonan di refinaria Valero y a sigui train mas personal pa asina nan ta cla pa exporta e exper-ticio pa otro paisnan y companianan interesa den sigui e pasonan di EcoGas.



Alan Howell (POR)

## Fraccion di POR ta aplaudi Gobierno su decision di elimina belasting riba pension



Alan Howell

### Contento cu ta poniendo fin na e 'free for all' banda di lama

FRACCION di POR ta contento y ta sostene e decision di Minister di Infrastructura y otro ministernan y departamentonan pa bin cu un task force pa ruim op de boel banda di lama.

Alan Howell ta bisa cu tur hende sa cu pa añanan tabatin un 'free for all' canto di lama cu bringamento y bendemento di droga den dia cla. Pesey a yega ora pa pone ordo y bisa ta basta.

"Nos por a tuma nota cu nos Minister di Infrastructura, conhuntamente cu Minister di Husticia, Minister di Turismo y Minister di Transporte a forma un Task Force encarga pa actua y restablece ordo riba nos beachnan. Ya caba den fin di siman nos por a mira su fructonan unda cu a cuminsa ruim op de boel cant'i lama", Howell a indica y a agrega cu fraccion di POR lo sigui sostene e tipo di accionnan aki y ta opine cu e tipo di task forcenan aki mester bin den barionan tambe.

Fraccion di POR lo keda monitor y duna su input unda cu por yuda dunando su sosten na e Gobierno actual pa haci cosnan bon, trece seguridad manera cu a priminti den campaña.

FRACCION di POR ta sumamente contento cu e noticia anuncia door di Gobierno cu lo elimina belasting riba pension di nos grandinan.

Alan Howell ta bisa cu fraccion di POR ta sostene esaki 100%, cu esaki ta demostra e cambio y cu esaki ta netamente e cosnan cu POR kier mira Gobierno haci; esta bin cu cosnan pa nos pueblo, bin cu cosnan cu ta duna pueblo un Alivio den nan saco.

*"E pensionadonan merece esaki. Despues di a contribui cu bo pais tanto aña y na momento cu bo ta kere bo ta bay biba mas trankilo y cu e placa lo yega, net e ora esey no ta berdad debi na e belasting cu ta sutabo den bo entrada".*

Fraccion di POR ta aplaudi y sostene Gobierno cu echo asina bunita pa nos grandinan unda cu finalmente e belasting riba nan pension lo wordo elimina.

Dianan 24 y 26 di januari:

# Negoshinan den Caya Grandi lo bay tin hopi promocion den coneccion cu Dia di Betico

**ARUBA** ta celebra Dia di Betico pa asina recorda e fecha natalicio di Gilberto Francios (Betico) Croes. Un personahe hopi stima den pueblo y cu a dedica gran parti di su bida pa Aruba por logra su Status Aparte.

En coneccion cu celebracion di Dia di Betico, pueblo henter ta keda cordialmente invita pa pasa un dushi dia cu famia den nos Caya Grandi riba diaranson dia 24 y diabierna dia 26 di januari 2018. Tiendanan lo habri nan portanan pa brinda e pueblo di Aruba nan bon surtido di producto y ofreciendo diferente descuentonan atractivo.

Diferente tienda a indica cu nan kier tuma parti di e celebracion aki y ta contento di e oportunidad di haci pueblo henter contento cu e promocion aki.

Un danki ta bay pa e siguiente tiendanan pa haci esaki un realidad:

- Lindy Lifestyle Boutique
- Giannis Nutrition Center
- Shoe Baloo
- Win Me
- Kairos Boutique
- Classic
- The Athlete's Foot
- Modern Electronics
- Loft Boutique
- The Runway Boutique
- AI Electronics
- Cell Tronicss
- Penha Aruba
- Wulfsen & Wulfsen Aruba
- Sagar II
- Aruba Coffee Roasting Company/ Coffee Break
- Amito/ Suntime
- X-Clusive
- Salina 2
- Adams House for Men
- Maggy's
- Style & Colors
- AarGee Fashion
- Pitokito
- Palais Oriental
- La Moderna
- Novedades
- Polo
- Hummer Store
- Star Fashion
- Dufry



KvK hunto cu su comision Caya Grandi ta invita pueblo henter pa probecha di e oportunidad aki y asina tambe stimula nos comerciantenan local cu sa di balora bo bishita na nan negoshi.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

I Will bless the Lord at all times: his Praise shall continually be in my mouth.

My soul shall make her boast in the LORD: the humble shall hear thereof, and be glad.

Sing glory to the Lord with me, let's praise his name together!

With deep sympathy we announce the passing away of:



### Josephine Antoine- John Baptiste


Better known as "Mother" or "Mama Antoine"  
\*27-08-1924 - †18-01-2018

Place and time of burial will be announced later



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

### Gradicimento:



### Anna Virginia Dubero

Na su Dr. di cas. Dr. Thuis y assistent Natasha Upegui. Na Dr. Kanhai pa su support na famianan. Na Sra. Rosa cu tawata manera un mama. Sra. Josefina. Na Dina Thiel pa su atencion y ayudo incondicional. Na su tur su prima y primonan pa na presencia y ayudo incondicional. Na sra. Chanin Boekhoudt cu ta zorg pa su communion tur siman. Pastoor Daniel. Pastoor Andre. Pastor Jairo Na tur su famian, Tur conocirnan cu a duna hopi atencion. Na su ex swa y cunja nan pa nan support y ayudo. Na Afra Henriquez y Zulaika Croes cu a canta y resa bunita hunto cu ne y canta durante entiero. Na misioneronan di Lazos de Amor Mariano cu tawata bin resa cu ne. Na Famia Dania. Na staf y personal tur di de witt y Van Dorp pa nan atencion y amor. Na tur su amiganan cu e la stima. Na su grupo di oracion Amor y Paz. Na e surnan di monasterio mama di Dios, danki pa e oracionan. Na e EMT-nan cu tawata tey presente. Den nos tristesa si nos por a lubida. Danki di curason.

Nos kier a invita tur pa 3 misa cu ta 24 januari pa 7or pm 25 januari pa 9am y 26 januari pa 7 or pm na Imaculada Concepcion Santa Cruz.

# Rest In Peace



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.

E ta hibami na awa tranquil,  
Pa mi bolbe haña forsa".

Salmo: 23

Cu inmenso tristeza na nos curazon  
nos ta participa fayecimento inesperadamente di:



### MIRTO FABIANO RAFAEL

\*21-01-1941 †18-01-2018

Na Number Di Su Sra: Milda Rafael-Richardson

Su Juinan Stima: Raymond Rafael  
Indrah y Roland v/Dinter  
Karina Dalay y Andre Goeloe

Su Dos Amornan: Shakira y Rowan v/Dinter  
Su Rumannan: Damasa (Chichi) Heidweiller  
Efraim y Maria Rafael

Sira Wever  
Elsa Rafael  
Eddie y Iris Rafael  
Wilfred Rafael  
Lucia y Ursulo Croes  
Betto y Theolinda Rafael  
Ramiro y Elsa Rafael  
Helena (Lenny) y Juan Dirksz  
Su Omo: Teechi Rafael

Su Swa & Cunjanan:

Diana (Dika) Richardson y Famia  
Carla y Antonio Magdaniel y Famia  
Yolima y Leo Hart y Famia  
Emy y Albert Luminier y Famia  
Jonca Krips y Esposo  
Frans Ranes

Subrino y subrinanan, ihanan, comer y compernan, prima y primonan, bisinjanan, amigonan i demas conocirnan.

Demas Famia: Rafael, Richardson, Goeloe, van Dinter, Heidweiller, Wever, Dirksz, Magdaniel, Luminier, Joseph, Hart, Bolah, Helder, Palm, Mollis, Stewart, Breinburg, Nivilac, D'Lisle i Medina.

Acto di entiero lo tuma lugar Diaranson 24 di Januari, 2018, di

2-4or na Aurora Funeral Home. Despues pa Santana di Gobierno den Kaya Ernesto Petronia.

Adres pa condolencia ta na Aurora Funeral Home Diamars 23 di Januari, 2018, di 7-9or.

Disculpa nos si den nos tristeza nos por a lubida un Famia.  
Nos disculpa pero despues di entiero no ta recibi bishita di condolencia na Cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

Tur cos aki na mundo tin su ora y su tempo,  
Ora pa nace y ora pa muri, ora pa yora y ora pa hari,

Ora pa keda keto y ora pa papia, ora pa stima y ora pa odia,

Ora pa guerra y ora pa paz"

Predicador 3:1, 2, 4, 7, 8

Cu inmenso tristeza na nos curazon  
nos ta participa fayecimento di:



### Pedro Damiano Trimon

Miho conoci como  
Perus of Pepe

\* 23 Feb 1940 - †19 Jan 2018

Na number di su:

Yiu: Nicole Trimon

Nietonan: Andrew Lejuez  
Justin Lejuez

Manera yiu: Nando Tromp

Rumannan: Placida Trimon  
Hiacintha y Jani Thijsen-Trimon  
Aselmo Dijkhoff

Tanta y omonan

Subrino y subrina nan na Aruba y Hulanda

Primo y prima nan  
Amigonan di mariachi

Bisinjanan, su amigonan di kas

Demas famianan: Trimon, Tromp, Lejuez, Thijsen, Ramos, Vrolijk, Stamper, Ramos, Huntington, Christiaans, Dijkhoff, Johnson.

Condolencia lo tuma lugar na Aurora Funeral Home diaranson 24 di januari 2018 di 7'or pa 9'or di anochi.

Acto di entiero lo tuma lugar na Aurora Funeral Home diabierna 26 di januari 2018 di 2'or pa 4'or di atardi. Despues lo sali pa Santana Central Sabana Basora.

Disculpa nos si den nos tristesa nos por a lubida un of otro famia.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

“Señor ta mi wardador, mi’n tin falta di nada.  
Den cunucu di yerba berde e ta ponemi sosega.  
E ta hibami na awa trankil pa mi bolbe haya forza.”  
Psalmo: 23.1

Cu inmenso tristeza na nos curazon pero conforme  
cu boluntad di Dios, nos ta participa fayecimento  
cristianamente di



### Edsel Flaviano Kransen

Mihor conoci como “Pet”  
\*18-02-1966 †22-01-18

Na number di

Su yuinan: Edwon Ras y enamorada Meliza Lopez  
Eden Werleman y enamorada Hannah Wever  
Jason Harris na Merca  
Jeremy Paesch na Hulanda

Su nietanan: Tizienny y Ziva Ras

Su rumannan: Stella Kransen na Merca  
†Ivy Isenia Kransen

Su subrinonan: Peter y Cory na Merca

Su mama: †Candida “Etty” Rasmijn

Su tata: †Mario “Bubu” Kransen

Su omo y tantanan:

†Joaquin Rasmijn y yuinan y esposa

Ireno Rasmijn y yuinan

Chichi Tromp y yuinan

†Bernardo Rasmijn

Maiky Rasmijn y yuinan y esposa

Diana Nicolas y esposo y yuinan na Boneiro

†Alejandro Kransen y yui

Mama di su yuinan: Ingrid Ras

Sheila Werleman

Jennifer James

Jessica Paesch

Mama di su nietanan: Diantha Koolman

Su bon amigonan di cas: Erick Marchena,

Chicho Kock, Omar Hitchfield, Rido Vermeulen,

Nick Tromp

Tur su primo y primanan, amigo y amiganan di  
Mangel Halto,  
bisiñanan y demas famia.

Nos ta pidi disculpa si den nos tristesa nos por a  
lubida un of otro famia.

Adres pa condolencia: Spaans Lagoenweg 20  
Diaranson 24 di Januari 2018 entre 19:00 y 21:00

Acto di entiero lo tuma lugar 26 di Januari 2018 di  
9’or pa 11’or di mainta na Capilla  
Santa Fama na Pos Chiquito despues lo sali pa  
Santana Catholic na Savaneta.

Preferibel bin na color alegre.

Nos ta lamenta cu despues di entiero nos no ta  
ricibi bishita di condolencia na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa.”  
Salmo: 23

Cu inmenso dolor na nos curazon, pero conforme cu  
Dios su boluntad nos ta anuncia fayecimento di:



### Rudolf Ronaldo Yrausquin

Cariñosamente yama: “Ronnie”  
\*29-08-1952 - †20-01-2018

Na number di su:

Mama: Juanita Rafini

Esposa: Lola Briceño

Yuinan: Gisela y Cedric Cheuz-Yrausquin

Michael y Natasha Yrausquin-Werleman

Nieto(a)nan: Tiara Cheuz

Chantee Cheuz

Zoë Cheuz

Nathan Yrausquin

Zaretta Yrausquin

Rumannan: Gloria Figaroa

Edwin Yrausquin

Lourdes Flores-Yrausquin

Vivian Yrausquin

Suegra stima: vda. Fermina Briceño-Romero

Swa y cuñanan: Patricio Flores

Francisco Briceño y famia

Vidal Briceño y famia

Vda. Prisca Alvarez-Briceño y yuinan

Silvia Vingal y famia

Lydia Noguera y famia

Olivia Maduro y famia

Mirla Lue y famia

Sandra Briceño y yuinan

Sylvia van der Linde y yuinan

Subrino(a)nan: Milton Figaroa y famia

Liliana Yrausquin y famia

Dillon Maduro y famia

Reinier Flores

Rebecca Irausquin y famia

Ryan Yrausquin y famia

Jeamy Yrausquin y famia

T-J Yrausquin y famia

Tanta y omonan: Dito y Nilda Rafini-Nicolaas y famia

Vda. Beta Ras-Rafini y famia

Roque y Jacenta Yrausquin y famia

Pepeya Solognier y famia

Vda. Lucia Jacopucci y famia

Su bon amigonan: Rosario Maduro

Dolfito Croeze y famia

Primo y primanan na Aruba, Curacao, Hulanda y Sint  
Maarten

Demas famia, bisiñ y conocirnan: Yrausquin, Briceño,  
Cheuz, Werleman, Rafini, Figaroa, Flores, Maduro,  
Irausquin, Nicolaas, Ras, Solognier, Jacopucci, Wernet,  
Kock, Lopez, Adoptie (Curacao), Panneflek, Croes,  
Romero, Alvarez, Obando, Quandt, Vingal, Noguera, van  
der Linden, Maduro, Lue, Mathilda, Geerman

Nos disculpa si den nos momento di tristesa nos por a  
lubida un of otro famia.

Ta invita pa e acto di despedida cu lo tuma lugar  
diasabra 27 di Januari 2018 di 9’or pa 11’or di mainta na  
Aurora Funeral Home.


Oportunidad pa condolencia: diabierna 26 di Januari  
2018 di 7’or pa 9’or di anochi.



Cumana 76  
Oranjestad, Aruba  
Tel: 588-6699  
Fax: 588-6698  
Cel : 593-0857 / 560-1403

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa.”  
Salmo: 23

Cu inmenso tristeza na nos curazon, pero conforme cu  
boluntad di Dios nos ta participa fayecimento di:



### Raymundo Geerman

Mihor conoci como: “Rey”  
\*04-07-1925 - †19-01-2018

Ex trahador di Santa Rosa y Ex piscador di Rancho

Na number di:

Su Mama: †Mauricia (Kita) Werleman-Geerman

Su Padrasto: †Francisco (Chico) Werleman

Su Yuinan: Susana (Ramona) y Maximo

(Chomon) Kelly-Geerman y famia,

Margarita y †Roland Nadal-Geerman y famia,

Delfina (Pina) y Jacintho (Frenk) Werleman-Geerman y

famia.

Su Rumannan: †Mauricio (Panchico) Geerman

†Claudio Geerman

Enrique (Jerry) y Hilda Werleman-Rasmijn y famia

†Maria Werleman y famia

†Flavia Werleman

†Andres y (Sra. Vuida) Johanita Maduro-Erasmus y famia

Sra. Vda. Bregilia Geerman-Maduro y †Johan y famia

Sra. Vda. Jacintha Erasmus-Maduro y †Victoriano y famia

Sra. Vda. Marina Kootes-Maduro y †Otilio y famia

Maria y Angel Wernet-Maduro y famia

†Peter Maduro

Lorenzo y Margarita Maduro-Ras y famia

Irena Maduro y famia

Altagracia y Juan Maduro-Maduro y famia

Francisco y Jolanda Maduro-Thiel y famia

†Jacobico Maduro

†Leoncita y Bubu Dirks y famia.

Su esposa: Juana Sena Pena y familia

Primo y Prima nan, Sobrino y Sobrina nan, Nieto y Nieta  
nan, Bisanieta y Bisanieta nan, Tataranieta y Tataranieta  
nan

Su bon bisiñanan: Dolorita Ras y famia, Florita y

†Dabian Kelly y famia, Miriam Werleman-Paesch y famia.

Su bon amigo nan di cas: Sra. Vda. Margriet

Valentijn y famia, Carmen y Billy Hypolite, Mercedes

Petrocchi y famia, Sr. Daniel (Jik) y Carmen Werleman y

famia

Y demás famianan: Geerman, Werleman, Koolman,

Rasmijn, Kelly, Nadal, Lampe, Wernet, Maduro, Erasmus,

Kootes, Dirks, Thiel, Boekhoudt, v/d Biezen, Henricus,

Leon, Gomez, Bikker, Ras, Minneboo, Van Dommelen,

Orman, Paesch, Croes, Garcia, Marin, Saurez, Castro-

Salazar, Lampe, Besselink, Lake, Valentijn, Hypolite,

Petrocchi y demas famia nan na Aruba y Hulanda.

Ta invita tur bisiña, amigonan y conocirnan pa asisti na e

acto di entiero cual ta tuma lugar diarazon 24 Januari

2018 desde 9or pa 11 or di mainta na funeraria Aurora.

Response lo ta 10:30 am pa depues sali pa santana

Catolico “Santa Maria” na Santa Cruz.

Lo aprecia na lugar di flor of krans si por haci un

donación pa Huize Maristella. Lo bai tin un box

disponibel na e funeraria.

Nos ta pidi nos disculpa si nos por a lubida un of otro

famia den nos momentonan di tristesa.

Despues di entierro no ta ricibi bishita di condolencia na

cas.

# Graciano Rosario Hernandez, otro dominikano gará i sentensia pa droga

**GRACIANO** Rosario Hernandez di 57 aña di edat a presentá den sala di korte pa responsabilisá su mes pa e hecho kastigabel kometé dia 29 di òktober 2017 ku el a purba transportá 3158 gram di kokaina. Un kòntrol ku outoridatnan a tene, listrando e persona aki al fondo na su kurpa, a bin resultá den algun opheto duru di plak na su kurpa. Ta trata aki di 4 paki di plèstik, konteniendo kokaina na e peso total di 3158 gram. Den sala di korte Graciano Rosario Hernandez a deklará di tin hopi bèrgwensa pa loke

el a hasi, e ta sinti su mes masha malu mes. Tabata un tal Alberto ku a dun'é e droga i a primintié 3500 florin pa pasa ku e droga. Promé el a haña un voorschot di 100 florin, mas 700 florin pa kumpra ticket.

Despues Alberto a hiba e akusado aeropuerto Hato pa subi avion. Yegando Hato, Graciano Rosario Hernandez a kuminsá duda i a muestra ku ya e no ke transportá ningun droga mas, pero Alberto a insistí i hasta a menas'é ku arma di kandela. Si e yega Santo Domingo sin ningun problema, Graciano Rosario Hernandez lo a haña 4500 florin, pero outoridatnan a gar'é promé ku el a yega aya. Segun e akusado Graciano Rosario Hernandez e kier a haña e plaka pa e por biaha bai Jamaica pa konosé un yu ku e tin aya. 6 yu e suidadano aki tin di kua 2 ta esnan mas yòn, anto bibá na Jamaica. Tèst di laboratorio ADC a konfirmá ku e pakinan ku a hañ'é kuné enbèrdat ta trata di droga, esta kokaina. Graciano Rosario Hernandez a splika ku el a pèrdè trabou i a krea un balente debe di hür. Mas aleu e akusado a sigui splika ku e ta sufrí di malesa di suku i tin tambe problema ku su kurason, komo tal e mester tuma remedi tur dia. Reclassering a produsí un rapòrt den kua ta rekomendá pa dun'é guia profeshonal i eventualmente hasi esfuerso pa bini na un trabou. Un punto positivo ta ku Graciano Rosario Hernandez a koperá tremendamente den e investigashon. Fiskal señora mr. Lasten a demandá un kastigu di prizon di 24 luna di kua 8 luna kondishonal i guia obligatorio di Reclassering. Abogado señora mr. La Fleur, kende a hiba e defensa a splika ku e komportashon di su kliente ta puramente un akto di desesperashon. Wes finalmente a disidí ku ta wanta e kastigu na 24 luna di prizon di kua 12 luna kondishonal i un periodo di prueba di 3 aña.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Señor ta mi wardador, mi'n tin falta di nada  
Den cunucu di yerba berde e ta ponemi sosega.

E ta hibami na awa trankil,  
Pa mi bolbe haña forsa".

Salmo: 23

Cu inmenso tristeza na nos curazon  
nos ta participa fayecimento di:



## Filomena Isidoña Solognier-Arends

Mihor conoci como "Mena"  
\*03-03-1950 - †21-01-2018

Na nomber di su:

Casa: Franscisco Solognier  
Yiunan: Eugene y Omaidá y yiunan  
†Sandy y yiunan  
Maruska y Roni y yiunan  
Jairo y Luzaida y yiunan  
Mescos cu yiu: Edmund Kock y familia  
Nieto(a)nan, Bisanieta(a)nan  
Mayornan: †Maximo Chomon Arends Y  
†Emilia Maria Arends-Henriquez  
Rumannan: †Egido y †Johana Arends y familia  
Rita y Agrepino Maduro y familia  
Alfonso y Amancia Arends y familia  
Irena y Carlito Wernet y familia  
†Lidia y Daantje Everon y familia  
Robert Arends y yiu  
Mirtha y Miguel Noquera y familia  
Gladys y yiunan  
Vivian y Miguel v/d Linde y familia  
Lourdes y yiunan  
Alehandra y yiunan  
Swa y Cuñanan: Theresita y Wilson  
†Rochi y yiunan  
Egna y †Willy  
Mescos Ruman: Vilma y Rudy  
Tanta: Nimia y †Guillermo Giel-Larez  
Omo: Alejandro y Vivian Henriquez y familia  
Madrina: Lucia Henriquez  
Amiga(o)nan di cas: Mina, Soledad, Wim, Chichi, Martha

Demas familia: Solognier, Arends, Henriquez, Rojas, Monsalvo, Ridderstap, Lopez, Willems, Winklaar, Thijsen, Jong, Maduro, v/d Linden, Wernet, Everon, Noquera, Franken, Fluonia, Hong, Roos, Giel, Besaril, Larez, Daza, Ras, De Cuba, Statie, Schwengle, Paula, Tromp, Kock, Vrolijk, Marin, Camara, Donata, Wever, Werleman, Chung, Colina, Marcano, Leon, Campagnard, Jansen, Angela, Su, Winterdaal, Refunjol, Hernandez, Bruin, Gomez, Hayen, Carrasquero, Perez, Kelly.

Ta invita pa e acto di entieru cu lo tuma lugar diabierna 26 di januari 2018 na misa Sagrado Curazon Savaneta di 2'or pa 4'or di atardi, despues saliendo pa Santana catolico na Sabana Basora.

Nos ta pidi nos disculpa si den nos tristeza nos por a lubida un of mas familia.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

"Bou di alanan di Dios mi ta sigur"  
Abo ku ta biba bou di amparo di Altisimo,  
ta hospeda den sombra di Dios Omnipotente,  
bisa Señor:

"Mi refugio, mi forti, mi Dios,  
den kende mi ta pone mi konfiansa"  
Salmo 91:1-2

Conforme cu voluntad di Dios y gradecido na loke  
el a haci y nifica pa nos, nos kier a participa  
fayecimento di nos mama, abuela,  
bisabuela y tatarabuela:



## Sra. Barbara J. Müller Kelly

Mihor conoci como "Fifita"  
\*04-12-1919 - †20-01-2018

Na nomber di su:

Esposu: †Wilhelm Antoine Johannes Müller  
Yiunan: Adira y †Basilio Flemming-Müller y familia  
Arno y Maria Müller-Burgos y familia  
Albert Müller  
Nieto(a)nan: Lilian Flemming  
Rofina "Fientje" y Rogelio "Geo" Croes-Flemming  
Charisma y Marvin Hassell-Flemming  
Emily y Genesis Müller  
Bisanieta(a)nan: Roggeli Croes y familia  
Giannio Croes  
Mya, Kyra y Kurt Hassell  
Tataranietanan: Sadé y Alaiah Croes  
Ruman: †Petra Ibarra Kelly  
Sobrino y sobrinanan

Demas familia: Tromp, van Dinter, Ibarra, Martes, Odor, Croes, Hassell, Flemming, Wever, Quillotte

Ta invita pa acto di entieru cual lo tuma lugar na Aurora Funeral Home diabierna 26 di januari 2018 di 9'or pa 11'or di mainta. Despues lo sali pa Santana Catolico na Playa.

Disculpa nos si den nos tristeza nos por a lubida algun familia of conocir.



Famia Valerian Bishita FEFFIK

## E sentro di training a enfrentá hopi reto durante su eksistensia

**WILLEMSTAD** -- FEFFIK Training Center A.J. Colin Valerian resientemente a selebrá su di 38 aniversario. Señor Ludwig Alberto, direktor interino, a konmemorá e fecha aki den un ambiente ameno huntu ku personal. Señor Alberto a dirigí palabra na e personal den oranan di mainta kaminda e la duna di konosé ku maneho di FEFFIK definitivamente tin un tarea grandi. E la para ketu riba algun logro i a gradisí personal pa su aporte den e totalidat.

Den transkurso di añanan FEFFIK a sa di enfrentá i ta kontinuá enfrentá retonan tantu chikitu komo grandi den vários forma, entre otro: finansiero, legal, di maneho i organisatorio.

Sinembargo, FEFFIK ta perkurá pa tene su studiantenan komo grupo di enfoke prinsipal.

Den oranan di atardi, yu muhé di Alejo Juan 'Colin' Valerian q.e.p.d. huntu ku su tres yunan i nietu a hasi un bishita di kortesia na FEFFIK.

Señor Ronnie Lauffer i señora Marbella Pichardo, ámbos persona ku a traha vários aña hopi serka ku señor Valerian tambe a hasi akto di presensia.

Señor Valerian tabata konosí komo un persona hopi práktiko i stret den su ekspreshon. Ela hasi di FEFFIK su bida i a perserverá pa logra adelanto di e instituto di formashon. Awe, 7 departamentu ta ópera bou di un dak. Durante di 38 aña FEFFIK a sa di kumpli ku nesesidat di komunidad i ta e sentro nashonal pa formashon i edukashon profeshonal, sin lubidá e kompromiso primordial ku sektor empresarial; kumpli ku e demanda i oferta ku ta eksistí riba merkado.

## Parlamentario Obispo ke sa ki dia ta haña resultado di investigashon

**WILLEMSTAD** - E parlamentario Curtley Obispo di frakshon di PAR ke sa ki dia señor Minister Konket a haña enkargo di Konseho di Minister di Kòrsou pa hasi e investigashon ku ela anunsiá ayera i ke sa kiko e mester investigá i ki dia e komishon a kuminsá ku su trabou.

Tambe ku segun ta finalisando e kasonan durante e investigashon, si lo manda nan pa Konseho di Minister pa atendé nan i den ki fase e investigashon ta na e momento aki. Mas interesante ainda ta ku parlamentario Obispo ke sa ki parlamento por risivi e rapòrt pe por tuma nota dje efektonan negativo pa presupuesto di Kòrsou.

Maneho di género den enseñansa

Frakshon di PAR a tuma nota a base di e sifranan di senso ku ainda tin un diskrepansia entre e kantidat di mucha hòmben i mucha muhé ku ta dròp out for di sistema di edukashon, promé ku alkansá e 'startkwalificatie'.

E sifranan aki ta mas notorio ainda den sistema di edukashon spesial.

Akinan bo ta tuma nota ku e kantidat di mucha hòmben ku ta partisipá den edukashon spesial ta relativamente mas haltu ku esun di mucha muhé. Ta lanta e pensam-

entu si akaso tin un motibu dikon mucha hòmbenan ta mas tantu representá na skolnan spesial.

Nos tur sa kon importante un bon edukashon i formashon ta pa futuro di un persona. Segun e tratado di Derecho di Mucha, enseñansa ta un derecho básiko di mucha i hóben. E enseñansa aki mester ta mara na e nesesidat di e muchanan.

E investigashon realisá na aña 2009, pa sra. Dr. Goretti Narain, a duna un indikashon di e problemátika aki den e publikashon 'The Boy Problem'.

Investigashonnan a demostrá ku mucha hòmben i mucha muhé ta siña di forma diferente. E mucha hòmben mester ta mas aktivo i keda stimulá mas tantu.

Den kuadro di e puntonan ariba mensioná parlamentario Pauletta di PAR ke sa si Minister Alcalá-Walle konose contenido di e publikashon 'The Boy Problem' i si su Ministerio ta Deporte ta pone atenshon na e diferencia di género den edukashon.

Si esaki no te kaso, e parlamentario ta pidi pa introdusi un maneho ku ta tene cuenta ku e diferencia di género den e Ministerio Edukashon, Siensia, Kultura i Deporte.



## Rodney Machano Nurmohamed ta keda será na Kòrsou mes

E suidadano Rodney Machano Nurmohamed ta nasé na Ulanda i tin 47 aña di edat. E ta un persona ku a kai pisá pa motibu di adikshon na droga, adikshon na alkohòl i adikshon na Casino. El a bin Kòrsou pasa un temporada pa dia 30 di novèmber 2017, anto pa djei e subi avion kargá ku 2909 gram di kokaina bai Ulanda bèk. Outoridatnan sinembargo a gar'é ku karsonnan djins tratá ku droga.

Ta e estilo ku ta someté e karsonnan aki na un trato spesial, di manera ku droga ta penetrá den e tela. Rodney Machano Nurmohamed a bisa ku ta un tal 'Maximo' ta doño di e droga, kende tabata sa di su situashon finansiero problemátiko. Pa hopi motibu Rodney Machano Nurmohamed a kai den problema finansiero, pa ku-

minsá su adikshon na droga i alkohòl, pero e adikshon aki a amplia, inkluyendo gèmbelmentu di Casino. Pa tur e motibunan menshoná el a pèrdè trabou i kas, anto asina ei a bin krea un debe di alrededor di 25.000 Euro, na telefon i otro sorto di debe mas.

E akusado aki na sierto momento a kuminsá zuèrf den Ulanda i asina ei no tabatin un adrès fiho. A primintí Rodney Machano Nurmohamed 10.000 Euro pa trafiká ku e droga fo'i Kòrsou hiba Ulanda. Na Ulanda e tabata risibí un 'uitkering' i ya tabata kana e proseso di saneamentu di debe, pero promé ku a yega asina leu el a kai será. Pues den sala di korte ayera el a pidi pa sinta su kastigu na Ulanda, pero wes no a honra e petishon.

No opstante su pasado Rodney Machano Nurmohamed ta un first-offender. Fiskal mr. Lasten a pidi un kastigu di prizon di 24 luna inkondishonal. Su abogado a papia di preshon sikológiko ku a stroba su kliente di pensa i òf aktua korekto, pero wes no tabata di akuerdo ku e argumento aki tampoko.

Wes a opiná ku e kantidat di droga ta asina tantu ku no por keda sin kastigué, pero finalmente tòg wes a skohe pa un kastigu di prizon di 24 luna di kua 6 luna kondishonal i un periodo di prueba di 3 aña. Wes práktikamente na final di e seshon a splika di no ta mira ningun motibu e kastigu keda ehekutá na Ulanda. Ke men ku Rodney Machano Nurmohamed lo keda Kòrsou mes pa sinta su kastigu.

Den un kaso uniko....

## Lo investigá desishonnan ku Pik Pisas a tuma tempu e tabata premier

**WILLEMSTAD** - Durante e rueda di prensa semanal di Gobièrnu di Kòrsou den e siman di 19 yùni 2017, Minister Konket a anunsiá i a informá pueblo di Kòrsou ku Konseho di Minister a tuma desishon i a enkargá Minister Konket pa laga hasi investigashon riba tur desishonnan ku e Gobièrnu di Kòrsou durante e periodo di 24 di mart 2017 pa 28 di mei 2017 a tuma den kuadro di 'polítika di despedida' di e Gobièrnu di Kòrsou anterior.

Minister Konket a splika e dia ei ku tin diferente motibu pakiko pa laga hasi un investigashon riba desishonnan di Gobièrnu di Kòrsou durante e periodo di 24 di mart 2017 pa 28 di mei 2017, desishonnan kual ta komprometé finansieramente Gobièrnu di Kòrsou ku a sigui despues di 28 mei 2017.

Lo hasi investigashon riba entre otro

: desishonnan tuma den e periodo aki kaminda entre

otro no a sigui proseduranan indiká,

: riba desishonnan tuma sin enbolbí esnan responsabelnan i

: riba desishonnan tuma den e periodo aki ku tin konsekuensia (finansiero) negativo pa Gobièrnu di Kòrsou ku a sigui despues di 28 mei 2017.

Lo a lanta un komishon pa investigá entre otro e desishonnan tumá durante e periodo di 24 di mart 2017 pa 28 di mei 2017 (kasi tres luna) pa loke ta trata entre otro:

1) desishonnan ku tin konsekuensia pa presupuesto di Pais Kòrsou i

2) desishonnan ku konsekuensia pa e posishon hurídiko i gastunan presupuestá di personal di Gobièrnu di Kòrsou. E komishon aki lo mester rekomendá Konseho di Minister kiko por hasi i pa finalmente Konseho di Minister tuma desishonnan.



Outoridatnan a anunsiá:

## Zero Toleransia i Man Duru durante karnaval

**WILLEMSTAD** - Siguridat di e siudadano ta hopi importante pa Ministerio Públiko (OM) i polis di Kòrsou. Huntu nan lo aktua ku man duru kontra violashon di lei durante periodo di karnaval 2018 i Festival di Tumba 2018.

Ta bai mantené un régimen di zero-toleransia.

Ministerio Públiko awe a saka un partisipashon kamindanan ta rekordá públiko ku tur hende for di su 12 aña, i den serkania di e ruta di karnaval/Festival di Tumba (radius di 500 meter) i riba kaya públiko, mester ta den poseshon di un papel òf prueba di un identidat bálido. Esaki ta nesesario pa kontrolá i pèrkurá pa mantenshon di órden públiko i Polis ta bai kontrolá a base di Ordenansa di 20 di mei 2002, esta lei ku ta stipulá ku ta obligatorio pa tur hende tin nan sédula di identidat den nan poder. Tambe Ministerio Públiko, meskos ku aña nan anterior, a base di Lei di Arma ta bai emití na polis un órden di listramentu preventivo. E listramentu preventivo ta bálido pa promé, despues i durante marchanan di karnaval i durante Festival di Tumba e siman aki. Ta nifiká ku polis por listra kualkier persona riba arma di kandela sin ku mester tin un sospecho adelantá. Otro kos ku ta opvio ta ku públiko tin ku mantené su mes na tur lei reglá den Lei di Tráfiko di 2000.

Polis i Ministerio Públiko ta bai aktua severo den tráfiko. Spesífikamente ta bai kontrolá esnan ku ta manehá vehíkulo riba 2 wiel, esta motosaikel, skuter, quad i otro nan. Ta bai kontrolá ku e okupantenan tin, konforme di lei, un hèlm adekué bisti. Esaki ta konta tantu pa e shofùr komo e okupante. Polis no ta bai tolerá òf akseptá butamentu di fever, hòp i òf drift ku outo, motosaikel, skuter òf otro vehíkulo. Esnan ku outo, motosaikel, skuter òf quad mester ta den poseshon di tur dokumento (karchi keur, karchi belasting, seguro) i un reibeweis bálido.

Si no kumpli ta sigui detenshon i konfiskashon di e vehíkulo en kuestion. Na warda di polis ta ofresé e persona en kuestion un transakshon. Polis lo aktua severo pasobra por konfiská e outo, motosaikel, skuter òf quad. Si faya ku lei durante karnaval, polis ta aktua mesora i ku man duru. P'esei e lema "Aktua Robes, Sintié Un Bes", pues den bo saku, finansieramente. Ya kaba pa dia 12 di mart 2018 a reserva un dia den Korte pa tur esnan ku a risibí un dagvaarding.

E persona ku ta skohe pa un dagvaarding ta kore e risiko di haña un kastigu di prisòn, un but haltu i un karchi di kastigu.

Ku otro palabra: sea prekawido i evitá un problema ku por persigi bo pa resto di bo bida.

## Aqualectra a lansa wepsait i Mikuenta nobo mas funshonal

**WILLEMSTAD** - Minister enkargá ku Desaroyo Ekonómiko i utilidat dr. Steven Martina na un forma úniko a lansa e wèpsait i Mikuenta nobo di Aqualectra. E wèpsait i MiKuenta nobo ta marka inisio di un era nobo den e forma ku nos kompania di awa i elektrisidat ta brinda servisio na su klientenan.

Ámbos ta tambe produkto di e esfuerso mayó pa hasi Aqualectra kla pa ta e kompania di utilidat kla pa futuro. Den trahamentu di e wèpsait i Mikuenta nobo, Aqualectra a enbolbí klientenan pa haña nan pensamentu. Asina na desèmber a tene un sondeo online na kua a partisipá un gran kantidat di persona, ku tabatin chèns di gana un iPad.

Minister Steven Martina durante di e lansamentu di e

wèpsait i MiKuenta nobo a hasi entrega di e iPad na e ganadó Sr. Terence Panneflekk. Un i tur ta keda invitá pa bishitá aqualectra.com i sera konosí ku e wepsait i MiKuenta nobo di Aqualectra.

Pa Minister Martina; Aqualectra ta on on Sr.Martina durante di e lansamentu ofisial a bisa ku e ta kontentu di por habri aksesu pa pueblo na e wèpsait i Mi Kuenta nobo. E echo ku nos komunidad ta move ku pasonan firme den e ambiente digital ta hasi'é hopi importante pa nos kompania di utilidat ta al dia i hasi su mes aksesibel na un forma optimal atraves di medionan digital modèrno. Tantu e wepsait komo e MiKuenta nobo ta un adelanto ku lo trese benefisio pa e klientenan di Aqualectra. Minister Martina a felisitá Aqualectra ku e bon trabou.



## Corso



# Girobank ta sera sukursalnan na Colon i Punda

**WILLEMSTAD** - E meta final di tur e pasonan ku gerensha di Girobank a tuma kaba i ku lo tuma ainda ta pa sigurá kontinuidat di Girobank pa futuro i reforsá e posishon finansiero di e banko. Pa esei ta rekerí ku e base finansiero ta bira sólido, ku un ekilibrio sano den e operashonnan entre e gastu i entradanan. For di aña pasá Girobank a entablá eksitosamente un proseso pa pone e portafolio di krédito krese i asina logra subida di entrada. Na e otro banda di e balansa tabata nesesario i responsabel pa redusí e gastunan. Den e periodo previo na reorganisashon di Girobank N.V. ta evaluá henter e struktura di e empresa inkluyendo tur faseta di e operashon bankario. Den e reorganisashon di Girobank ta tene kuenta ku desaroyonan teknológiko avansá ku for di tempu ku a introdusí internèt a krese enormemente i a kambia hasimentu di negoshi di banko drástikamente.

Ademas, e kompetensia entre institutonan bankario a bira muchu mas fuerte, miéntras ku e márgennan pa e negoshi di banko ta krepk kada be mas; por ehèmpel e interesnan abou ku ta vigente aktualmente.

A disidí ku entrante dia 19 di febrüari próksimo ta sera e sukursalnan di banko den Colon na Otrobanda i La Confiansa na Punda. i a eliminá e servisio di pago na Dokterstui.

For di 5 di yanüari e aña aki a pone e empleadonan di Girobank na altura di seramentu di e sukursalnan mencioná.

Djaweps i djabièrnè último e dirigentenan di Girobank a informá e personal i e sindikato ABVO di e kambionan ku tin den tapara den kuadro di e reorganisashon i ku ki meta.

## Detenshon asesinato



**DJADUMINGU** 21 yanüari 2018, alrededor di 01.11 or sentral di polis a haña notifikashon ku un tiramentu a tuma lugá den un estableimentu mobil na altura di Palu Blanku.

E víktima Lennard Gwensley Frederick nasé na Kòrsou 29 maart 1992 a bin fayesé na e sitio ei mes.

En konekshon ku e kaso aki, djaluna 22 yanüari 2018 den oranan di atardi polis a tene dos(2) entrada hudisial na respektivamente Gosieweg i na Wi-shi. Alrededor di 18.25 or polis a detené e hòmber sospechoso G.G.G.J. nasé na Kòrsou, 22 aña di edat na e kas na Gosieweg komo sospechoso di asesinato di e víktima ariba menshoná.

E investigashon den e kaso aki ta kontinuá.

## Girobank a anunsiá kambionan drastiko preparando pa futuro

**WILLEMSTAD** - E añanan ku a pasa no tabata fasil pa Girobank N.V. ya ku e banko a hañé involvi den un skandal di estafa bou dje anterior gerensha ku a laga e banko bastante afektá.

Komo ku no por a sigi karga ku e peso dje maneho kriminal ku tabatin te dia ku Bankko Sentral a kai aden pa garantisá kontinuidat dje banko mester a tuma pasonan drastiko.

Promé ku fin di siman ku a pasa gerensha di Girobank N.V. a informá su mes personal di e pasonan ku ta tumando pa sigurá kontinuidat di e instituto bankario riba término largu. Lo sera dos sukursal i lo aloká e personal den di e empresa. Ta sigui traha na un reorganisashon a base di teknologianan ku a bira parti di e forma moderno di hasi negoshi di banko. For di tempu di e areglo di emergensia, ku korte den promé instansia di Kòrsou a dikta na desèmber 2013, e representantenan outorisá na nòmber di Banko Sentral di Kòrsou i St. Maarten (CBCS) ta forma e gerensha i ta supervisá Girobank.

Na promé instansia a investigá tur asunto interno di e banko i a tuma paso pa adaptá i intensifiká e prosedimentunan interno.

Miéntras tantu e aktividatnan bankario normal kontinuá na un forma responsabel na bienestar di e klientenan.



# AWEMainta

#1 Online

Completamente  
**DIGITAL**

**Ricibi AWEMainta  
tur dia den bo inbox**

Manda bo E-mail na [noticia@awemainta.com](mailto:noticia@awemainta.com)

Haya noticia y edicionan di  
**AWEMainta** riba nos website

[www.awemainta.com](http://www.awemainta.com)

**Like nos riba Facebook**

[www.facebook.com/awemainta](http://www.facebook.com/awemainta)